

摘藻堂四庫全書薈要

史部

欽定四庫全書薈要

史部

御批歷代通鑑輯覽卷七




詳校官原任編修臣徐立綱

欽定四庫全書薈要卷七千四百六十

御批歷代通鑑輯覽卷七

周


有二年使詹伯

詹桓伯周大夫

如晉晉使趙成

趙武之子謹景子

來致閭田

氏族畧唐叔虞之後晉成公子懿食采于閭春秋彙纂注閭屬晉與甘相近之邑

甘人

甘大夫襄

與晉閭嘉

閭大夫

爭閭田晉梁丙張趯率陰

戎

即陸渾戎

伐潁

今河南府登封縣有陽城廢縣周潁邑

王使詹伯辭于晉

曰我自夏以后稷魏駘即郃芮岐畢吾西土也及武

王克商蒲姑商奄吾東土也巴濮楚鄧吾南土也肅

慎燕

以上諸國注俱見前

亳

春秋釋例亳小國與燕近

吾北土也吾何邇封

之有文武成康之建母弟以蕃屏周亦其廢墜是為

豈如弁髦

弁冠也童子垂髦始冠

而因以敝之

謂既冠而三成禮則棄其始

冠我在伯父猶衣服之有冠冕水木之有本源民人

之有謀主也伯父若裂冠毀冕拔本塞源專棄謀主

雖戎狄其何有余一人羊舌肸謂韓起曰文之霸也

翼戴天子而加之以共自文以來世有衰德而暴滅
宗周以宣示其侈諸侯之貳不亦宜乎且王辭直子
其圖之起乃使趙成如京師致閭田反潁俘王亦使

賓滑

周大夫

執甘大夫襄以說于晉晉人禮而歸之

已十有三年齊樂施

子雅之子子樂之孫以字為氏

高彊

子尾之子子高之孫亦以

字為氏

奔魯

齊樂高氏多怨彊于陳鮑氏而惡之有告陳無字曰

子旗

樂施字

子良

高彊字

將攻陳鮑亦告鮑氏無字授甲

以如鮑氏鮑國

謚文子叔牙元孫

亦授甲兵遂伐樂高氏高

彊曰先得公陳鮑焉往遂伐虎門晏嬰端委立于虎

門之外四族名之無所往齊侯名之而後入齊侯使

王黑

齊大夫

以靈姑鉞

齊侯旗名

率戰于稷

齊有稷門

樂高敗又

敗諸莊

城內之里

國人追之又敗諸鹿門

齊東南門

樂施高彊

奔魯陳鮑分其室晏嬰謂無宇必致諸公讓德之主

也義利之本也蘊利生孽姑使無蘊乎無宇盡致諸

齊侯而請老于莒

齊邑本取于莒故亦曰莒

初晏嬰如晉羊舌肸

陳氏厚施齊之
將為陳氏要要

已庵言之然觀其教無字以讓德義利云云意雖為公適足使其性財結衆之計工于謀國者當不出此

問曰齊其何如嬰曰齊其為陳氏矣齊舊四量豆區

釜鍾四升為豆各自其四以登于釜

四豆為區區斗六升四區為釜

釜六斗四升登成也

釜十則鍾

六斛四斗

陳氏三量皆登一焉

豆區釜各

加舊量之一

鍾乃大矣

陳氏亦以十釜為鍾三量既加則鍾自大

以家量貸而

以公量收之

貸厚而收薄

國之諸市踊

則足者屨

貴屨賤民人

疾痛而或煥休之欲無獲民將焉辟之至是無字于

公子公孫之無祿者私分之邑國之貧約者私與之

粟由是益得齊衆心穆孟姬

景公母

為之請高唐

故城在今

山東濟南府
禹城縣西南
陳氏始大

庚午十有四年楚子虔誘蔡侯般殺之于申楚師滅蔡執

蔡世子有以歸用之

楚子在申召蔡侯蔡侯將往蔡大夫曰楚貪而無信

惟蔡子憾今幣重而言甘誘我也不如無往蔡侯不

可楚子伏甲而饗蔡侯于申醉而殺之

刑具士七十人

公子

棄疾帥師圍蔡

晉韓起問于叔向曰楚其克乎對曰克哉蔡侯獲罪于其君天將假手于

楚以斃之何故不克然肝聞之不信以章不可再也
楚討于陳曰將定而國陳人聽命而遂縣之今人誘蔡

而殺其君以圖其國楚
雖幸而克必受其咎于是晉會諸侯之大夫于厥

慙

左傳注
地闕

以謀救蔡王使單子會之晉人請蔡于楚

楚弗許遂滅蔡用隱太子于岡山

左傳
注闕

申無宇曰不

祥五牲

牛羊豕
犬雞

不相為用况用諸侯乎王必悔之楚

子城陳蔡不羹

有二其一在河南許州襄城縣是為
西不羹其一在南陽府舞陽縣是為

東不羹

使棄疾為蔡公問申無宇曰棄疾在蔡何如對

曰臣聞親不在外羈不在內今棄疾在外鄭丹

即鄭
子草

以子孔之難奔楚
事在靈王十八年

在內君其少戒楚子曰國有大城

何如對曰鄭京櫟實殺曼伯

左傳注檀伯也櫟大夫屬公殺之得櫟又并京

宋蕭亳實殺子游齊渠邱

即雍廩

實殺無知衛蒲戚實

出獻公

事俱見前

由是觀之則害于國末大必折尾大不

掉君所知也

後楚平即位蔡遂復事其後

辛未

十有五年原伯綏奔郊

周之郊

甘人弑甘公過

原伯綏虐原輿人

衆人也

逐綏立公子跪尋

綏之弟

綏奔

郊甘公過

即悼公

欲去成景之族

甘成公景公之後

成景之族

遂殺甘公而立成公之孫鮒

是為平公

魯公子愁奔齊

季孫意如

悼子統之不禮于南蒯季氏邑宰南蒯之子蒯謂公

季孫意如

悼子統之不禮于南蒯季氏邑宰南蒯之子蒯謂公

季孫意如

子愁

字子仲

曰吾出季氏而歸其室于公子更

代也

其

位我以費為公臣愁許之告魯侯遂從魯侯如晉

晉

公卒子夷立是為昭公魯侯如晉朝

如晉朝

南蒯懼不克以

費

季氏邑今山東沂州府費縣有故城在縣西北

叛如齊愁還及郊聞費叛

遂奔齊初南蒯將適費飲鄉人酒鄉人或歌之曰我

有圃生之杞乎從我者子乎去我者鄙乎倍其鄰者

耻乎已乎已乎非吾黨之士乎後二年費人叛南蒯
南蒯奔齊侍飲于齊侯齊侯曰叛夫對曰臣欲張公
室子韓皙齊大夫曰家臣欲張公室罪莫大焉齊侯歸
費于魯使鮑國致之

壬申十有六年楚公子比自晉歸于楚弑其君虔于乾谿

在今江南潁州府亳州

公子棄疾殺公子比

公羊作弑

楚師伐徐以懼吳楚子次于乾谿為之援時蔡公棄

疾主方城之外有觀從者

觀起子楚共轅觀起從奔蔡事在靈王二十一年

在蔡事朝吳

故蔡大夫聲子之子

會蓬氏之族

楚子殺蓬掩而取其室

掩為

賈曾

及蓬居

掩之族楚子奪其田

許圍

許大夫遷許而質之

蔡洧

洧仕楚滅蔡

孫

其父

蔓成然

字子旗闕章龜子楚子奪其邑

為楚子所不禮因羣喪

死焉

職之族啟越大夫常壽過

申之會常壽過戮焉義曰徇之于軍而不殺

故

猶在

作亂從乃召公子比

即子干前奔晉

公子黑肱

即子皙時在鄭

襲蔡見蔡公脅而盟之蔓成然故事蔡公蔡朝吳亦

欲復蔡于是公子比公子黑肱公子棄疾蔓成然蔡

朝吳帥陳蔡不羹許葉之師入楚殺大子祿及公子

罷敵比為王黑肱為令尹棄疾為司馬使觀從從師于乾谿令曰先至者復其田里師潰而歸楚子聞二子死自投于車下既而曰余殺人子多矣能無及乎

遂汭夏

左傳注漢別名

將欲入郢

即郢郢今襄陽府宜城縣是

芋尹申無

宇之子亥求得之

史記靈王獨傍徨山中野人莫敢入不食三日飢不能起以歸

尋縊于申亥氏觀從謂比曰不殺棄疾雖得國猶受禍比曰余不忍也從曰人將忍子吾不忍侯乃行國

每夜駭

時不知楚靈死畏其復來

曰王入矣乙卯夜棄疾使周走

而呼曰王至矣國人大驚使蔓成然走告比及黑肱

曰王至矣君早自圖可以無辱又有呼而走至者二

子皆自殺棄疾即位名曰熊居

是為楚平左傳楚共王有寵子五人無適

立乃以璧見于羣望曰請神擇于此五人者使主社稷當璧而拜者神所立也既與巴姬密埋璧于大室

之庭使五人齋而入拜康王跨之靈王肘加焉葬比子干子皙皆遠之平王弱抱而入再拜皆歷組

于訾

楚地在今汝寧府信陽州

曰訾敖殺囚衣之王服而流諸漢

以靖國人使蔓成然為令尹初楚靈卜曰余尚得天

下不吉投龜詬天而呼曰是區區者而不余畀余必

自取之民患其無厭故從亂如歸是冬吳因楚亂遂

滅州來

劉子

蘇公棼

晉侯齊侯宋公魯侯衛侯鄭伯簡公子曹伯

莒子邾子滕子薛伯杞伯小邾子會于平邱

今河南開封府陳留

縣北有平邱故城

同盟魯侯不與盟

晉成虎祁

晉平公築虎祁之宮鄭伯及魯叔弓如晉賀事在王十一年

虎祁宮故址在今山

西絳州南魯叔弓諡敬子叔肝曾孫

諸侯朝而歸者皆有貳心羊舌肸

曰諸侯不可以不示威乃並徵會遂合諸侯于平邱

皆自湟染之後
會盟皆大夫至
此再合諸侯意
行修復霸業乃

叔向專以威力
脅其君并不知
從義執言之用
死以諸侯間而
晉亦竟孰謂叔
向為賢大夫哉

晉人將尋盟齊人不可晉侯使羊舌肸告劉子劉子
曰盟以底信君苟有信諸侯不貳何患焉告之以文
辭董之以武師雖齊不許君庸多矣天子之老請帥
王賦元戎十乘以先啟行遲速惟命羊舌肸告于齊
齊人聽命肸曰諸侯有間矣不可以不示衆乃治兵
建而不旆旣而旆之諸侯畏之同盟鄭公孫僑爭承
貢賦貢賦之次曰昔天子班貢輕重以列列尊貢重周之制也
鄭伯男也鄭爵列伯子男而使從公侯之貢懼弗給也自日

中以爭至于昏晉人許之是會晉以邾莒之愬

魯季孫伐

莒取邾用人于亳社事在王十二年

辭魯侯故魯侯不與盟晉執季孫

意如以歸子服湫從

即子服惠伯

湫私于荀吳曰魯兄弟

也若為夷棄之使事齊楚其何瘳于晉子其圖之吳以告韓起且曰楚滅陳蔡不能救而為夷執親將焉用之乃歸季孫

蔡侯廬

隱太子之子是為平公

歸于蔡陳侯吳

悼太子之子是為惠公

歸于

陳

楚子既以詐自立恐國人及諸侯叛之乃復陳蔡之地而立其後歸鄭之侵地施惠百姓存恤國中

甲戌

十有八年吳子夷末

公羊作夷昧史記作餘昧

卒

夷末之初立使屈狐庸

申公巫臣子留吳為行人

聘于晉趙文子

趙武

問曰延州來季子

季札封延陵故曰延陵季子今常州府武進縣也後吳滅

州來復以封札故又曰延州來狐庸聘晉吳尚未滅州來曰延州來者後人追記之辭

其果立

乎對曰不立今嗣君甚德而度有吳國者必此君之

子孫季子守節者也雖有國不立至是夷末卒欲授

季札季札讓逃去吳人曰先王時吳亦有命兄卒弟

代必致季子季子今逃位則王夷末後立今卒其子

當代乃立夷末之子僚

夏六月丁巳朔日有食之

晉荀吳帥師伐鮮虞

白狄別種今直隸正定府新樂縣有新市故城春秋鮮虞國

初荀吳假道于鮮虞遂入昔陽今正定府藁城縣有昔陽城滅肥

今藁城縣西南有肥累城春秋肥國以肥子緜臯歸事在王十五年至是荀吳

復以師伐鮮虞圍鼓

今正定府晉州春秋鼓國州西有鼓聚

鼓人或請

以城叛吳弗許使鼓人殺叛人而繕守備圍鼓三月

鼓人或請降使其民見曰猶有食色姑修而城鼓人

告食竭力盡而後取之克鼓而反不戮一人以鼓子

蘇

悅全反

韞歸

明年荀寅又滅陸渾之戎以其貳于楚也

丙子二十年夏六月甲戌朔日有食之

邾子

今山東沂州府邾城縣春秋邾子國少昊後嬴姓

朝于魯

邾子朝魯魯侯與之宴叔孫婼

叔孫豹之子諡昭子

問曰少皞

命官分職隸事正名唐虞周官近而可徵國未常有紀瑞之事也左氏浮誇於

氏鳥名官何故也邾子曰吾祖也昔者黃帝氏以雲

此可見一斑
而師之如武
定署名徒能
古實拘彼不
紀遠之說曷
為定論耶

紀炎帝氏以火紀太皞氏以龍紀

俱見前

我高祖少皞

摯之立也鳳鳥適至故紀于鳥為鳥師而鳥名

鳳鳥各氏

已見前

自顓頊以來不能紀遠乃紀于近為民師而命

以民事孔子聞之見于郊子而學之既而告人曰吾

聞之天子失官學在四夷猶信

楚人及吳戰于長岸

今江南太平府當塗縣有天門山在縣西南窠宇記楚獲吳餘皇于

此與和州梁山相對時人呼為東梁山西梁山

吳伐楚陽句

楚穆曾孫字子瑕

為令尹卜戰不吉公子魴

司馬

子魚曰我得上流何故不吉請改卜之吉戰于長岸魴

以其屬先死楚師繼之大敗吳師獲其乘舟餘皇吳舟

名使隨人與後至者守之環而塹之及泉吳公子光

諸樊子即閭閻使長鬣者三人潛伏于舟側曰我呼餘皇則

對師夜從之三呼皆迭對楚人從而殺之楚師亂吳

人大敗之取餘皇以歸

丁丑二十有一年宋衛陳鄭災

二十年之冬有星孛于大辰

爾雅大辰房心星也

西及漢

左傳注夏

之八月辰星見在天漢西今魯申須魯大曰彗以除

字星出辰西光芒東及天漢

舊布新今除于火

大辰為大火之次

火出

火尚伏當須火出必布焉

諸侯其有火災乎梓慎

亦魯大夫

曰若火作當在宋衛陳

鄭

宋大辰之虛陳太皞之虛鄭祝融之虛皆火房也衛顓頊之虛星為大水水火之壯也火房火之

舍衛星營室營室水也牡雄也水畏火故丁為壬妃

至是夏五月火

即心星

始昏

見越七日壬午宋衛陳鄭皆火

鄭子產使徒大龜徙主祀于周廟使府人

庫人各徹其事司馬司寇列居火道行火所燬城下之人伍列登城明日書焚室而寬其征與之材三日

哭國不市使人告于諸侯宋衛皆如是惟陳不救火

初鄭裨竈

鄭大

言于公

子產拒禱寔之
詰寔經國正論
多言或信不與
亦不復火足法
千古信邪之惑

禹潦湯旱何嘗
不鑄幣利民衆
王之鑄大錢非

孫僑曰宋衛陳鄭將同日火若我用瑾竿玉瓚欲以禳火

鄭必不火僑弗與既火竈曰不用吾言鄭又將火鄭

人請用之僑不可曰天道遠人道邇竈安知天道是亦

亦多言矣豈不或信謂多言者遂不與亦不復火明年

鄭大水龍闕于時門之外洧淵國人請為崇焉子產
弗許曰我闕龍不我覩也龍闕我獨何覩焉我無求

于龍龍亦無求于我乃止時門鄭南城門
洧淵水經注洧水遶新鄭故城入東為洧淵水

鑄大錢韋昭國語注大錢者大于舊其
賈重唐尚書云大錢重十二銖

王將鑄大錢單子穆公名旗單曰不可古者天災降

為救災備患是
以有民失其資
之病觀于鑄錢
無射不益信乎
非獨鑄錢法也

止之進藥必有
不敬誤投之咎

度于是量資幣權輕重以振救民民患輕則為之作
重幣以行之于是乎有母權子而行重曰母輕曰子民皆得
焉若不堪重則多作輕而行之亦不廢重于是乎有
子權母而行小大利之今王廢輕而作重民失其資
能無匱乎若匱王用將有所乏之則將厚取于民民
不給將有遠志是離民也王其圖之弗聽

戊寅

二十有二年許世子止弑其君賈悼公

許男癭飲太子止之藥卒止曰我與夫殺者不立乎

非嘗不當而已
然其心終無他
故其罪止于是
二傳所載不同
而子馬聽止救
止之說尤屬迂
謬當因讀公羊
作論正之

其位以與其弟虺哭泣歆飢粥噉不容粒未踰年而死

胡氏安國曰君有疾飲藥臣先嘗之父有疾飲藥子先嘗之蓋言慎也止不擇醫而輒用藥藥不先嘗而悞進于君是有忽君父之心而不慎矣此篡惑之萌堅冰之漸加以大惡而不得辭也

已
二十有三年孔子至京師既而反魯

孔子將適京師南宮适言于魯侯魯侯與之乘車兩

馬俾适俱往孔子既至問禮于老子

史記老子姓李氏名耳字伯陽謚聃

周守藏室之史也孔子將問禮于老子老子曰君子得其時則駕不得其時則蓬累而行吾聞之良賈深

歲若虛君子威德容貌若愚孔子問樂于萇弘周大去謂弟子曰吾見老子其猶龍乎

記賓年賈侍坐于孔子言及樂孔子曰我所聞于萇弘亦如是歷郊社之所考明堂

之則家語孔子觀于明堂覩四門墉有堯舜與桀紂之象孔子曰明鏡所以察形往古者所以知今

人主不務襲迹于其所以安存而急急于所以危亡是無異于却走而欲求及前人也察廟朝

之度家語孔子入后稷之廟廟堂右階之前有金人為三城其口而銘其背曰古之慎言人也孔子

顧謂弟子曰行身如此豈以口過患哉于是反乎魯弟子稍益進焉

楚世子建奔宋楚殺其傅伍奢

伍舉子

及子尚伍員

亦曰伍胥

奔吳

楚子生太子建使伍奢為之師費無極為少師建聘

于秦無極與逆勸王取之請大城城父

楚邑漢為父城縣故邑在

今河南汝州寶豐縣考楚城父有二一以遷許具見後一即此

而寘太子焉

無極曰太子通

北方王收南方是得天下也王悅從之

故建居城父無極譖建于楚子

曰建與伍奢將以方城之外叛齊晉輔之其事集矣

楚子信之執伍奢使城父司馬奮揚殺太子未至而

使遣之

知太子寃故遣令去

太子奔宋無極曰奢之子材若在

吳必憂楚國盍以免其父名之楚子使召之曰來吾

免爾父蒙君尚

尚為蒙邑大夫蒙今江南江寧府六合縣

謂其弟員曰吾

知不逮我能死爾能報爾其勉之伍尚歸奢聞員不

來曰楚君大夫其盱食乎楚人皆殺之員如吳言伐

楚之利于吳公子光曰是宗為戮而欲反其讐不

可從也員曰彼將有他志

知其欲弑僚

余姑為之求士而

鄙以待之乃見鱄設諸

史記作專諸堂邑人

焉而耕于鄙

盜殺衛侯之兄縶

衛靈公同母兄以足疾不立事見前

衛公孟縶狎齊豹

衛大夫齊惡子

奪之司寇與鄆

衛邑注見前

有

役則反之無則取之故齊豹作亂衛侯在平壽衛下邑繫有事于

蓋獲

衛郭門

之門外齊子氏惟于門外而伏甲焉繫出齊氏擊殺

之衛侯聞亂遂如死鳥

衛郭門外地

北宮氏之宰

北宮喜先與齊豹同謀及是豹使人

召喜其宰不知殺之喜佗之子謚貞子

攻齊氏滅之衛侯遂入初齊豹見宗魯于

繫為驂乘將作亂謂之曰勿與乘吾將殺之對曰吾由子事公

孟子行事乎吾將死之以周

猶終竟也

事子而歸死于公孟及難作

宗魯死焉孔子弟子琴牢

衛人字子開一字張故亦曰琴張

聞之將往弔孔子

曰齊豹之盜而孟繫之賊

言齊豹所以為盜孟繫所以見賊皆由宗魯

女何弔焉君

子不食姦不受亂不為利疚于罪不以困待人
不蓋不義不犯非禮
齊侯與其大夫晏嬰適魯問禮

齊侯獵魯郊因入魯與晏嬰俱問魯禮舍于公館迎

孔子至與語

齊侯曰秦穆公國小處僻其霸何也孔子對曰秦國雖小其志大處雖僻其政

中首拔五殺爵之大夫與語三日授之以政雖王可也其霸小矣

齊侯說

鄭大夫公孫僑卒

公孫僑有疾謂游吉

即子太叔公孫豐子

曰我死子必為政惟

有德者能以寬服民其次莫如猛夫火烈民望而畏

之故鮮死焉水懦弱民狎而翫之則多死焉故寬難

疾數月而卒孔子聞之出涕曰古之遺愛也

庚辰

二十有四年鑄無射

左傳疏無射鐘名其聲于律中無射之管故以律名鐘

王將鑄無射而為之大林

韋昭國語註大林無射之覆也作無射而以大林覆

之其律中林鐘也

單子

穆公旗

曰不可先王之制鐘也大不過

鈞

鈞所以鈞音之法以木長七尺有弦繫之以為鈞法

重不過石

百二十斤為石

今作

鍾不度

不中鈞石之數

無益于樂而鮮民財將焉用之王弗

聽問之伶州鳩

伶司樂官州鳩名也

對曰臣聞政象樂樂從和

八音和從平

細大不踰

故曰樂政今細抑大陵不容于耳

細無射大林鍾大聲陵之細聲抑而不聞

非和也聽聲越

言遠也

遠

無射之聲為大

林所陵聽之微細遠

非平也妨正匱財聲不和平非宗官

宗伯

樂官屬焉之所司也亦不聽

秋七月壬午朔日有食之

辛巳

二十有五年宋華亥

華合比地王九年合比奔衛亥代為右師

向寧

向戌子

華定

華椒孫

奔楚

宋公

平公子元公佐

惡華向

華氏向氏

華定華亥與向寧謀曰亡

愈于死先諸華亥乃誘羣公子而殺之

公子寅公子御戎公子朱

公子固公孫援公孫丁

遂劫宋公取太子

即景公樂

及公母弟

公子辰及

地

以為質宋公亦質華向之子

亥子無惑寧子羅定子啟

與華氏

盟

時公子城與華氏戰不勝遂奔晉

既而宋公殺華向之質而攻之

向寧將殺太子華亥曰于君而出又殺其子其誰納我使華牲歸太子及二公子

華亥向寧

華定奔陳

事在壬二

先是宋公將攻華氏請于華費

遂

華氏之族時為大司馬

費遂曰敢不聽命及華向奔費遂子

羆為少司馬多僚為御士多僚惡羆譖諸宋公宋公

將逐驅驅家臣張司殺多僚刼費遂而召亡人華亥

向寧華定自陳入于宋以南里

宋里名

叛華登

費遂之子先奔

在以吳師救之齊烏枝鳴

齊大夫方戌宋

及宋厨人濮

厨邑大夫

名敗吳師于鴻口

左傳注梁國睢陽縣有鴻口亭睢陽今河南歸德府商邱縣

遂

敗華氏

齊烏枝鳴請皆用劍從之華氏北復即之厨人濮以裳裹首而荷以走曰得華登矣遂敗

之新

于是公子城以晉師至曹翰胡

曹大夫

會晉荀吳

齊苑何忌

齊大夫

衛公子朝與華氏戰大敗之圍諸南

里華登如楚乞師

事在王二十四年

至是楚遂越以師逆華

氏且告于宋諸侯之戍請出華氏以為楚功宋人從之華亥向寧華定華軀華登俱出奔楚

王崩王室亂

王穆后生太子壽先卒

在王十五年

次子猛及母弟句無

寵庶子朝有寵于王王欲立之未果

王殺下門子子猛傳也時子朝

之傳賓起適郊見雄雞自斷其尾問之侍者曰憚其犧也遽歸告王曰雞憚其犧信言矣人犧實難已犧

何害王弗應人犧喻子猛難去聲言寵異他人易致禍難也已犧喻子朝言寵異在己自無患害也

至是王田北山

即北邙山亦曰郊山在河南府洛陽縣東北

有心疾崩于

榮錡氏

河南府鞏縣有榮錡澗周榮公食邑

劉子

時劉獻公擊卒單穆公立其庶子劉盆亦

曰劉卷是為文公

單子

穆公旗

奉王子猛

攻宿起殺之盟羣王子于單氏

葬景

王王子朝因舊官百工之喪職者與靈景之族

靈王景王之子

孫作亂逐劉子劉子奔揚

春秋彙纂注揚周邑即揚非泉舉之揚

單子

逆王猛于莊宮

莊王之廟

以歸王子還

子朝之黨

夜取王猛以

如莊宮單子出奔于平時

左傳周地

羣王子追之單子

殺王子還及姑發弱驪延定稠

八子皆靈景之族因戰而殺之

子朝

奔京劉子單子欲急于晉以王猛居于皇

今河南府鞏縣西有皇亭

即皇也

晉籍談荀躒

荀盈之子諡文子

帥九州之戎

即陸渾戎州鄉屬也

五州為鄉

及焦瑕溫原之師納王猛于王城

王子猛卒

左傳註未即位故不言崩

母弟勾立

是為敬王

王猛雖立未及即位故不成喪

後追諡為悼王

冬十二月癸卯朔日有食之

敬王

壬午元年王居狄泉

註見前

尹氏立王子朝地震

王子朝入于尹尹圉

即尹文公誘劉佗

劉子族殺之召伯奭

南宮極以成周人戍尹單子劉子樊齊以王如劉王

子朝入于王城是秋地震南宮極震

為屋所壓而死

萇弘私

謂劉子曰周之亡也其三川震

事見前

今西王

王子朝在王城

故曰西王之大臣亦震天棄之矣東王

王居狄泉在王城東故曰東王

必

大克

二年王在狄泉

晉侯使士彌牟

文伯句之子謚景伯

涖問王室之故彌牟立于

乾祭

王城北門

而問于介

大也

衆晉人乃辭王子朝不納

其使

衆言子朝曲故

徵會諸侯期以明年

明年晉趙鞅宋樂大心魯叔詣衛北

宮喜鄭游吉曹人邾人滕人薛人小邾人會于黃父謀王室也趙鞅令諸侯之大夫輸王粟具戍人曰明年將納王趙鞅武之孫謚簡子樂大心樂喜族孫魯叔詣叔弓之孫黃父注見前

夏五月乙未朔日有食之

吳滅巢

先是吳伐州來

吳縣州來楚復取而城之

楚遠越以諸侯之師救

之吳用公子光謀

光請分師先犯胡沈與陳必先奔諸侯之師搃楚必大奔吳子從之

敗頓胡沈蔡陳許之師于雞父

今江南鳳陽府壽州有雞父亭即春秋雞

父至是楚子為舟師以略吳疆及圍陽

左傳註

而還

吳人踵楚邊人不備遂滅巢及鍾離沈尹戌

楚公子負封于

沈其後以邑為氏今陳州府沈縣有沈城是其地也非沈國之沈

曰王一動而亡三

姓之帥幾如是而不及郢

甲申 三年魯侯攻其大夫季孫意如不克出奔齊

魯侯欲去季氏

季孫意如以季如之譖殺申夜姑季公若為之請不得因謀于公子務人

欲去季氏務人使其弟告公妻申夜姑公烏家臣公若亦曰

季如意如庶叔公烏

人即公為昭公子

以告臧孫

臧昭伯名賜臧為之子

臧孫以難

先是賜之從弟

會為讒于臧氏而逃于季氏
臧氏執旃季氏怒拘臧氏老

告邠孫邠昭伯名惡

邠

孫以可勸

先是季邠之難闕季氏介其難邠氏為之金距季孫怒益宮于邠氏且讓之故邠孫怒

意如告子家羈

公子遂之子歸父別為子家氏羈謚懿伯公羊作駒

羈曰讒人以

君微幸事若不克君受其名不可為也

公羊傳昭公將殺季氏告

子家駒駒曰牛馬維婁婁已者也而柔焉季氏得民衆久矣君無多辱焉維婁繫馬曰維繫牛曰婁婁

食也言牛馬之于食已者則柔順之

魯侯不從遂伐季氏殺季堅

意如弟亦

曰公于門意如請待于沂上

此魯沂水源出尼山逕曲阜縣入于泗今曰西

沂以察罪弗許請囚于費弗許請以五秉亡弗許子

家羈曰許之日入憲作弗可知也弗聽叔孫氏之司

馬駿戾以其衆救季氏孟氏從之殺郈孫伐公徒魯

侯與臧孫賜如墓謀遂奔齊

臧孫賜子家羈從

齊侯唁于野

井

今山東濟南府齊河縣有野井亭

取鄆

魯有二鄆北為西鄆在曹州府鄆城縣其東鄆在沂

州府沂水縣與莒近以居之先是有鸛鵒巢于魯師已

魯大夫曰

吾聞文武之世童謠有曰鸛鵒之鵒之公出辱之鸛鵒

之羽公在外野往饋之馬鸛鵒跕跕公在乾侯徵褰

與襦鸛鵒之巢遠哉遥遥禍父喪勞宋父以驕鸛鵒

鸛鵒往歌來哭童謡如其將及乎未幾魯侯遂出

時叔孫婁在闕及歸謂季孫曰人誰不死子以逐君成名子孫不忘不亦傷乎季孫曰苟使意如得改事君所謂生死而肉骨也叔孫從公于齊與公言于幄內曰將安衆而納公公使歸季孫有異志叔孫齊于其寢使祝宗祈死遂卒叔孫婁謹昭子豹之庶子闕魯地今兗州府汶上縣南旺湖中有闕亭

孔子適齊

孔子以魯亂適齊

史記為高昭子家臣通乎景公高昭子名張偃之子

齊侯

問政于孔子說欲封以尼谿之田晏嬰不可齊侯惑之孔子遂行反乎魯

晏嬰與孔子交善而尼谿之沮詆為滑稽倨傲彼非不知孔子蓋忌其見用耳跡其生平所為若二桃殺三士

之謀則更以小
嫌而肆其陰險
尚得謂之賢哉

四年王入于成周尹氏召氏

左傳注召伯當言召氏
疏曰召氏族出奔召伯

身不奔也毛伯以王子朝奔楚

先是

王三年

尹氏涉于鞏

由鞏涉洛

焚東訾

今河南府鞏縣有東訾聚俗呼

訾店

及是單子如晉告急晉知蹠

即荀蹠

趙鞅帥師納王

使女寬

晉大夫

守闕塞

即伊闕亦曰龍門山在河南府洛陽縣南

王師起于

滑

今河南府偃師縣有緄氏故城本滑國秦滅之周鄭分其地

次于尸

今偃師縣有尸鄉

晉師克鞏召伯盈

魚之子謚簡公

逐王子朝朝及召氏之族

毛伯得尹氏固南宮嚚

極之子

奉周之典籍以奔楚召

伯逆王于尸及劉子單子盟王入于成周

即周下都在王城之

東敬王徙都于此今洛陽故城是也

晉師使成公般

晉大夫

戍之而還

七年

尹氏固自楚歸京師京師殺之并殺召伯盈及原伯魯之子十五年楚亂王人殺王子朝于楚

丙戌五年吳弑其君僚

吳子因楚喪

楚平卒子壬立是為楚昭

使公子掩餘燭庸

皆僚母弟

伐

之復使季札聘于上國以觀諸侯公子光告鱄設諸

曰我王嗣也吾欲求之事若克季子雖至不我廢也

鱄設諸曰王可弑也光乃伏甲于堀室而享吳子光

偽足疾入于堀室縛設諸寘劍于魚中以進遂弑吳

子

縛設諸鉞交于胛而死

光遂自立

是為闔閭以縛設諸子為卿

季札至曰

苟先君無廢祀民人無廢主社稷有奉國家無傾乃

吾君也吾誰敢怨復命哭墓復位而待

掩餘奔徐燭庸奔鍾吾

晉士鞅宋樂祁犁

樂喜孫字子梁

衛北宮喜曹人邾人滕人會

于扈

諸侯之大夫會于扈令戍成周且謀納魯侯晉士鞅

取貨于季孫而為之辭魯侯遂不得復

先是齊侯將納魯侯季氏

家臣申豐以錦賂梁邱據據言于齊侯乃止

是冬晉籍談致諸侯之戍于

成周

楚殺費無極

初無極以讒去蔡朝吳

朝吳在蔡無極欲去之謂蔡人曰王惟信吳故處之蔡二

三子莫之如也而在其工弗圖必及于難蔡人逐朝吳楚子怒無極曰吳在蔡蔡必速飛去吳所以翦其

翼也事在景

出蔡侯朱

即平公無極取貨于平公之弟東國謂蔡人曰楚王將立

東國若不先從王欲楚必圍蔡蔡人懼出朱而立東國是為悼公事在景王二十八年

逐太子

建殺連尹奢

即伍奢事俱在前

國人惡之既又與鄢將師比

譜卻宛

字子惡

于令尹囊瓦

公子囊子常

殺之

無極謂令尹曰子惡

欲飲子酒又謂子惡令尹欲飲酒于子子惡曰我賤人無以酬之無極曰令尹好甲兵取五甲五兵寘諸

門令尹必觀從以酬之及饗日無極謂令尹曰吾幾禍子甲在門矣令尹使視卻氏則有甲焉召鄢將師

而告之遂攻卻氏焚之盡滅其族黨事在王四年

國人莫不謗令尹沈尹戌

言于囊瓦曰無極殺不辜以興大謗幾及子矣吳新有君疆場日駭國若有大事子其危哉囊瓦乃殺無極與鄢將師盡滅其族以說于國

丁亥 六年晉殺其公族祁盈

奚之孫午之子

及楊食我

字伯石羊舌肸子肸

食邑于楊
為楊氏

晉祁勝與鄔臧

勝與臧皆祁氏家臣

通室

易其妻

祁盈執之勝賂

荀躒躒言于晉侯晉侯執祁盈盈之臣殺勝與臧晉遂殺

祁盈及楊食我食我盈之黨也于是滅祁氏羊舌氏

分其田以為縣

祁氏之田七縣羊舌氏之田三縣祁氏晉獻侯之後羊舌氏靖侯之後既

滅晉之公

族殆盡

巳丑八年吳滅徐徐子章羽

左傳公羊俱作烏

奔楚

吳子伐徐防山以水之

壅山之水以灌

于是滅徐徐子斷其

髮携其夫人以逆吳子吳子唁而送之遂奔楚吳子
問于伍員曰初而言伐楚余知其可而恐其使余往
也又惡人之有余之功也今余將自有之伐楚何如
對曰楚執政衆而乖莫適任患若為三師以肄猶勞也
焉一師至彼必皆出彼出則歸彼歸則出楚必道敝
亟肄以罷之多方以誤之既罷而後以三軍繼之必
大克之闔閭從之楚于是始病

庚寅 九年魯季孫意如會晉荀躒于適歷

左傳注
晉地

先是魯侯如晉

事在王六年

次于乾侯

今直隸廣平府成安縣有斥邱故城

春秋晉乾侯邑

既而歸鄆

在王七年

至是復在乾侯晉侯

時晉頃公卒子

午立是為定公

將以師納之范鞅請召季孫而使私焉

鞅私告季

孫曰子必來我受其無咎

于是意如遂會荀躒于適歷從荀躒如

乾侯荀躒以晉侯之命言魯侯且請入魯侯卒不肯

見意如荀躒退謂意如曰君怒未怠子姑歸祭

謂其歸攝

君事

冬十有二月辛亥朔日有食之

辛卯 十年吳伐越

吳始用師于越晉史墨

晉太史蔡墨

曰不及四十年越其

有吳乎越得歲而吳伐之必受其凶

左傳注是年歲在星紀星紀吳

越之分也歲星所在其國多福吳先用兵故反受其殃

晉韓不信

韓起孫謹簡子

齊高張宋仲幾

仲氏宋公子成之後幾江之孫為左師

魯仲孫何忌衛世叔申

太叔儀孫

鄭國參

公孫僑子

曹人莒人薛

人杞人小邾人城成周

王使富辛與石張

俱王大夫

如晉請城成周晉范鞅謂魏

舒曰與其戍周不如城之于是晉魏舒韓不信來京

師合諸侯之大夫于狄泉尋盟且令城成周己丑士

彌牟營成周計丈數揣高卑度厚薄仞溝洫物土方

議遠邇量事期計徒庸慮財用書餼糧以令役于諸

侯屬役賦丈書以授帥

左傳疏既號令下役之事以告諸侯令諸國國各出若干

之役各築若干之丈故曰屬役賦丈書以授帥帥諸侯之大夫也

而效諸劉子韓不

信臨之以為成命城三旬而畢乃歸諸侯之戍

是役宋仲

幾不受功齊高張後晉人執宋仲幾歸諸京師

魯侯卒于乾侯季孫意如廢世子而立公子宋

昭公之弟是為

公定

魯侯出奔在外凡八年至是卒

卒于十月二月

明年叔孫不

敢

嫡之子
謚成子

逆昭公之喪于乾侯叔孫請見子家羈羈

辭叔孫使告之曰若公子宋主社稷羣臣之願也凡

從君出而可以入者惟子是聽子家氏未有後季孫

願與子從政對曰若立君則有卿大夫與守龜在羈

弗敢知若從君者則貌而出者

以義從公與
季氏無怨

入可也

冠而出者

與季氏為冠

行可也若羈也則君

謂昭公

知其出

未知其入羈將逃也喪及壞墮

注見前

公子宋先入從

昭公者皆自壞墮反公子宋即位季孫葬昭公于墓

道南孔子為司冠溝而合諸墓

魯羣公墓在闕昭公墓別葬先君墓道之

外孔子自昭公墓道為溝使與先君墓合明臣無貶君之義也

癸巳

十有二年盜殺羣伯

簡公

羣伯棄其子弟而好用遠人羣氏之羣子弟賊羣伯

乙未

十有四年劉子晉侯宋公

元公子景公頭曼

魯侯蔡侯

悼公昭

公衛侯陳子

陳惠公卒子懷公柳立未葬書子

鄭伯

定公子獻公墓

許男

悼公

曹伯

隱公通

莒子邾子頓子胡子滕子薛伯杞伯小邾子

齊國夏

國佐子謚惠子

會于召陵侵楚

初蔡侯如楚令尹囊瓦三年止之

蔡侯為兩佩兩表獻其一于楚子而

自服其一令尹欲之弗與故止之

及歸

時唐侯如楚有兩肅莢馬令尹欲之弗與亦三年止之唐

人竊馬以獻乃歸唐侯蔡人聞之因請獻佩蔡侯遂歸

遂如晉請伐楚于是劉

子合諸侯于召陵謀伐楚晉荀寅

荀吳子謚文子

求貨于蔡

侯弗得言于范鞅曰國家方危諸侯方貳將以襲敵

囊瓦以一表一馬而拘兩君召陵之盟奉辭伐罪不諫齊桓乃荀寅卒以求貨而辭蔡晉楚之臣效尤貪賄尚足云霸業哉

不亦難乎吾自方城以來

靈王十五年敗楚侵方城

楚未可以

得志祇取勤焉乃辭蔡侯

晉人假羽旄于鄭鄭人與之明日或旆以會晉于是

失諸侯

盟于皋鼬

今河南許州臨潁縣有城皋亭即鄭皋鼬邑

將長蔡于衛

劉子以衛祝佗

衛大祝子魚

言與范鞅謀之長衛侯是夏

蔡滅沈

沈人不曾于召陵晉使蔡人滅之

秋劉子卷卒

謚曰文公

蔡侯以吳子及楚人戰于柘舉

名勝志麻城縣東北有柘子山縣東有舉水柘

舉之名蓋合山水而得之今麻城縣隸湖北黃州府

楚師敗績吳入郢

自楚子即位無歲不有吳師

伍員為吳行人伯州犂之孫語為吳太宰同謀

楚蔡侯因之質其子于吳以吳子及唐侯

今湖北德安府隨州

有古唐城亦有上唐鄉故唐國

伐楚楚令尹囊瓦禦之陳于柘舉吳

子之弟夫槩以其屬五千擊囊瓦之卒卒奔楚師亂

吳師大敗之囊瓦奔鄭吳從楚師五戰及郢楚子取

其妹季芊以出吳入郢

穀梁傳壞宗廟從陳罷捷平王之墓

以班處宮

穀梁傳君居其君之寢而妻其君之妻大夫居其大夫之寢而妻其大夫之妻蓋有欲妻君之母者楚

子濟江入于雲中

盜攻之奔鄢鄢公闕辛之弟懷以平王殺其父曼成然將弑楚子辛

曰君討臣誰敢讐之必犯是余將殺汝雲中即雲夢澤在今湖北德安府安陸縣

遂奔隨吳

人從之謂隨人曰周之子孫在漢川者楚實盡之天
誘其衷致罰于楚而君又竄之周室何罪隨人卜之
不吉辭吳吳人乃退

丙申十有五年春三月辛亥朔日有食之

於越入吳

吳師在楚越遂入吳

楚申包胥

楚大夫姓公孫封于申故號申包胥

以秦師救楚吳師敗還楚

子入于郢

初伍員與申包胥友其亡也謂申包胥曰我必復楚

國申包胥曰子能復之我必能興之及楚子在隨史記申包

胥亡于山中使人謂伍子胥曰子之報讐其已甚乎
吾聞之人衆者勝天天定亦能勝人子胥曰為我謝申

包胥吾日暮途遠吾
故倒行而逆施之
申包胥如秦乞師秦伯使辭焉

曰子姑就館將圖而告對曰寡君越在草莽下臣何
敢即安立依于庭牆而哭日夜不絕聲勺飲不入口

七日秦伯景公子為之賦無衣詩秦風篇杜預曰取其修我戈矛與子同

仇與子偕作
與子偕行
九頓首而坐秦師乃出于是申包胥以

秦師至楚使楚人先與吳人戰而自稷

春秋彙纂注
稷楚地在今

河南南陽府
桐柏縣境

會之吳師敗吳子乃歸

楚公子結滅唐
吳夫槩歸自立

與閭閻戰而敗奔楚楚封為棠谿氏
谿城在今汝寧府西平縣即古房子國地

棠 楚子入于

郢賞申包胥申包胥曰吾為君非為身也君既定矣

又何求遂逃賞

明年楚公子申為令尹遷郢于郢以定
楚國 公子申即子西楚昭弟郢亦

作若漢書地理志南郡若楚昭王自郢
徙此今襄陽府宜城縣有若縣故城

丁酉 十有六年鄭游速帥師滅許以許男斯歸

許自文叔
受封至斯

十八傳而為鄭滅後楚又
立元公成至戰國初復滅

初許畏鄭偃遷葉

許靈公畏鄭偃請遷于楚楚遷之事于葉今河南南陽府葉縣是也

在簡王十年

後又遷夷

楚公子棄疾遷許于夷即城父今江南潁州府亳州有城父故城即

陳夷邑事在景王十二年

遷白羽

楚以左尹勝言遷許于白羽即析也今河南南陽府內鄉縣析

縣故城是事在景王二十一年

遷容城

在今葉縣西事在王十四年

凡四遷皆依

于楚至是楚為吳敗鄭遂滅之

僖翩

靈王弟僖季之後

作亂

僖翩率子朝之徒因鄭人以作亂于是鄭伐馮

左傳注周

邑滑

注見前

胥靡

今河南府偃師縣有胥靡城

負黍

今河南府登封縣有負黍聚

狐人

後漢書郡國志潁陰有狐宗鄉閼外邑在洛陽
古狐人亭也潁陰今河南許州

晉閭沒戍京師且城胥靡王處于姑蕸

左傳注以避周邑

亂明年僭翽據儀栗

左傳注以叛單子穆公子劉子

文公子敗尹氏

僭翽之黨于窮谷遂逆王于慶氏

守姑蕸大夫

晉籍秦

諱之

送王王入于王城館于公族黨氏

周大夫

而後朝于莊宮

又明年單子伐穀城簡城劉子伐儀栗
孟以定王宮穀城在洛陽縣西北簡

城杜註閼孟即邾今懷慶府河內縣
有邾臺左傳王取邾爲之田是也

戊十有七年齊侯鄭伯盟于鹹

諸侯始復特盟

齊侯鄭伯盟于鹹徵會于衛衛侯欲叛晉諸大夫不
可使北宮結如齊而私與齊侯曰孰結以侵我齊侯
從之

陳氏傳良曰此特相盟也特相盟自齊桓以來未之
有于是再見諸侯無主盟矣是故石門志諸侯之合
也于鹹志諸
侯之散也

己亥 十有八年盜竊魯寶王大弓穀良傳寶玉者封主也大弓者武王之戎弓也

魯陽虎季氏家臣亦曰陽貨欲去三桓以季寤桓子之弟桓子名斯意如之子

更季氏代桓叔孫輒叔孫氏庶子更叔孫氏代武叔州仇

賢玉大弓乃魯
受封重器陽貨
竊之以行蔑視
國典其兵聖人
深惡之故直斥
之為盜賊者乃

誦陪臣例不書
名泥古過甚矣

子已更孟氏

代懿子何忌

將享季孫于蒲圃

魯東門外塲圃

而殺

之孟氏先備

公飲處父知虎欲為亂請孟孫先備乃選園人之壯者三百人偽為築室于門

外虎以季孫將如蒲圃季孫謂御者駟而入孟氏築者闔門射殺虎之弟越

陽虎遂劫魯

侯與叔孫州仇伐孟氏成宰公飲陽

即處父

帥成人自

上東門入與陽氏戰于南門之內又戰于棘下

城內地名

陽氏敗陽虎說甲如公宮取寶玉大弓以出入于謹

陽關

今山東泰安府肥城縣有下謹亭即魯讎地陽關在兗州府寧陽縣

以叛明年陽

虎歸寶玉大弓奔齊請師以伐魯齊侯將許之鮑國

諫曰陽虎有寵于季氏而將殺季孫以不利魯國君
富于季氏而大于魯國茲陽虎所欲傾覆也魯免其
疾而君又收之無乃害乎齊侯執陽虎囚諸西鄙虎
逃奔晉適趙氏孔子曰趙氏其世有亂乎

陽虎既奔
公山不狃

以費叛季氏召孔子孔子欲往亦卒不行
不狃季氏宰即費子洩論語作弗擾

庚子十有九年魯以孔子為中都宰

孔子初仕為中都宰制為養生送死之節長幼異食
強弱異任男女別塗路無拾遺器不彫偽為四寸

朱

厚之棺五寸之槨因邱陵為墳不封不樹行之一年四方之諸侯則焉

丑^辛二十年魯以孔子為大司寇

孔子由中都宰為司空乃別五土之性

一曰山林二曰川澤三曰

邱陵四曰墳衍五曰原隰而物各得其所生之宜由司空為大司

寇設法而不用無姦民

魯侯會齊侯于夾谷

今山東泰安府萊蕪縣有夾谷峪肇域記魯定公會齊侯于此

齊侯使使告魯為好會會于夾谷孔子相告魯侯曰

夾谷之會會也非盟也左氏傳所載載書之詞及以萊兵劫魯

侯語多附會不足信如稱盟詞齊侯要魯以三百乘而魯侯惟求返汶陽之田然田既歸矣何以終定公之世不聞魯以三百乘從乎即所稱齊侯懼而動獲過如何云云此不過成毛遂歷階蘭相如完璧之仗而已豈所以語聖人者哉

臣聞有文事者必有武備古者諸侯出疆必具官以

從請具左右司馬魯侯從之及會獻酢既畢齊有司

請奏四方之樂于是旌旄羽旆

音弗舞者所執周禮有旆舞

矛戟

劍撥

音伐大櫛也

鼓噪而至孔子趨而進曰吾兩君為好

會夷狄之樂何為于此請命有司齊侯心忤麾而去

之有頃齊有司請奏宮中之樂優倡侏儒為戲而前

孔子趨而進曰匹夫熒惑諸侯者罪當誅請命有司

齊侯懼而動知義不若乃歸謂晏嬰曰寡人獲過于

魯君如之何嬰曰君子謝過以質小人謝過以文齊

嘗侵魯邑請皆還之齊乃歸魯鄆

謹注俱前

龜陰

田在龜山

之北龜山在今泰安府新泰縣

田

今泰安府泰安縣有謝過城窠字記齊人歸魯田以謝過後人因名

考夾谷之會春秋彙纂削

去左傳不錄今採史記輯

癸卯

二十有二年魯墮邱

今山東泰安府東平州有邱城魯叔孫氏邑

及費

注見

前

圍成

注見前

弗克

孔子言于魯侯曰臣不藏甲大夫無百雉之城使仲

由

弁人字子路亦曰季路

為季氏宰將墮三都于是叔孫氏墮

郈季氏將墮費公山不狃叔孫輒帥費人以襲魯孔

子使申句須樂頎

皆魯大夫

伐之敗諸姑蔑

括地志姑蔑故城在泗水

縣東泗水縣今隸山東兗州府

不狃輒奔齊遂墮費將墮成公斂

陽謂孟孫曰墮成齊人必至于北門且成孟氏之保

障無成是無孟氏也子偽不知吾將不墮冬魯侯圍

成不克

甲辰

二十有三年晉趙鞅入于晉陽

今山西太原府太原縣有晉陽故城春秋

晉邑屬趙氏

以叛荀寅士吉射

士鞅子謚昭子

入于朝歌以叛趙鞅

歸于晉

趙鞅謂邯鄲午

趙勝子別邑邯鄲因以為氏邯鄲今縣屬直隸廣平府

曰歸我

衛貢五百家吾舍諸晉陽

二十年趙鞅圍衛衛懼貢五百家鞅置之邯鄲今欲

徙置晉陽

午許諾歸告其父兄皆曰不可鞅怒殺午圍邯

鄲邯鄲午荀寅之甥寅士吉射之姻也相與睦故不

與圍邯鄲將作亂董安于

趙氏家臣

聞之告鞅曰先備諸

鞅不可范氏中行氏伐趙氏鞅奔晉陽晉人圍之荀

躒韓不信魏曼多

魏舒孫謚襄子

與寅吉射相惡欲逐之躒

言于晉侯曰君命大夫始禍者死今三臣始禍而獨逐鞅刑不均矣請皆逐遂奉晉侯伐范氏中行氏寅與吉射將伐晉侯齊高彊

前奔魯通晉

曰三折肱知為良

醫唯伐君為不可我以伐君在此矣弗聽遂伐晉侯

國人助晉侯寅吉射敗奔朝歌韓魏以趙氏為請鞅

入于絳盟于公宮

明年荀躒告于趙氏請殺董安于恐其為政于趙氏也趙孟患之安

于曰吾死而晉國寧趙氏定焉用生乃縊而死趙氏祀安于于廟

魯以孔子攝相事

孔子由魯司寇攝行相事七日而誅少正卯戮之兩

觀之下

荀子問人問孔子曰少正卯魯之聞人夫子為政而始誅之得無失乎孔子曰人有太惡

者五而竊盜不與焉一曰心逆而險二曰行僻而堅三曰言偽而辨四曰記醜而博五曰順非而澤此五者有一于人不得免于君子之誅而少正卯兼有之故不可不誅也與聞國政三月政

化大行男女行者別于塗道不拾遺男尚忠信女尚

貞順四方客至不求有司

有司常供其職客至不求有司存焉皆如歸

焉

家語魯之販羊有沈猶氏者常朝飲其羊以詐市人有公慎氏者妻淫不制有慎潰氏者奢侈踰法

魯之鬻六畜者飾之以飾價及孔子為政沈猶氏不敢朝飲其羊公慎氏出其妻慎潰氏越境而徙鬻牛

馬者不儲價賣
羔豚者不加飾

齊人歸女樂于魯孔子適衛

孔子相魯齊人懼欲敗其政乃選好女子八十人衣

以文飾而舞容璣

舞曲名史記作康樂

及文馬三十駟遺魯君

陳于魯城南高門

魯南門本曰稷門僖公更高大之因改名

外季孫斯微

服往觀之再三將受焉乃語魯君為周道游觀之終

日怠于政事仲由言于孔子曰夫子可以行矣孔子

曰魯今且郊如致膳于大夫則吾猶可以止季孫既

受女樂三日不聽政又不致膳俎孔子遂行適衛主

于顏濁鄒

孟子作
顏繇由

二十有四年楚公子結

即子期

陳公孫佗人帥師滅頓

以頓子牂歸

頓子欲事晉背楚而絕陳好于是楚滅頓

明年楚又
滅胡以胡

子豹
歸

於越敗吳于槁李

公羊作醉李今浙江嘉興府秀
水縣有槁李故城即吳越戰處

吳子

光卒

吳伐越越子勾踐禦之

越至允常始彊勾踐允常之子

陳于檣李越

子使罪人三行屬劍于頸而自剄吳師屬之目越人

因而大敗之靈姑浮

越大夫

以戈擊闔閭闔閭傷將指

足大指

還卒于陘

去檣李七里

子夫差立夫差使人立于庭

苟出入必謂已曰夫差而忘越王之殺而父乎則對曰唯不敢忘三年乃報越

使石尚歸脤于魯

公羊傳石尚者何天子之士也脤者何俎實也脤曰脤熟曰膳

石尚言于王曰久矣周之不行禮于魯也

自定王八年王季子

聘魯後未嘗請行
脈于是歸脈于魯
王室與魯之交止此

衛世子蒯聵出奔宋

衛侯為夫人南子

宋女也

召宋朝

宋公子舊通于南子在宋故呼之

太

子蒯聵適齊過宋野野人歌之曰既定爾婁豬

求子豬喻

南子盍歸吾艾豨

壯豕喻宋朝

太子羞之歸而朝夫人戲陽

速從太子三顧夫人見其色啼而走曰蒯聵將殺余

蒯聵奔宋

後如晉

盡逐其黨

公孟彊奔鄭又奔齊劉氏敬曰蒯聵聞野人之

考

歌其心慙焉則以謂夫人夫人惡其斥已淫則啼而走言太子殺余以誣之靈公惑于南子言必聽從故

遂蒯瞶此其真也不當如左氏
所記今依其說節刪左傳輯

孔子自衛適陳復反于衛

孔子居衛十月將適陳過匡

注見前

匡人以為陽虎而

拘之

史記陽虎嘗暴匡人
孔子狀類陽虎拘焉

既解

家語子路將戰孔子
止之曰歌予和汝子

路彈琴而歌孔子和之
曲三終匡人解甲而罷

還衛主蘧瑗見南子

史記靈公夫人

南子願見孔子孔子
辭謝不得已而見之

明年去適宋宋司馬桓魋

即向魋向

戊欲殺之

史記孔子去曹適宋與弟子習禮
大樹下桓魋欲殺孔子拔其樹

遂去適

陳主司城貞子是歲魯定公卒

子蔣立是為哀公

孔子居陳

漸順距陳數十
餘里集已貫矢
何能遠過蓋欲
誇聖人多聞而
不自知失于誣
也他如萍實專
車之對靈威文
人之書則疑妄
不經更甚矣

三歲

史記孔子至陳歲餘有隼集于陳庭而死楷矢貫之石若長尺有咫陳潁公使使問孔子孔子

曰隼來遠矣此肅慎氏之矢也昔武王克商肅慎氏貢指矢石若長尺有咫王以矢分大姬配虞胡公而

封諸陳試求之故府果得之反于衛家語孔子適衛居三歲陳常被冠于是去陳出于蒲會公叔

氏以蒲叛止孔子曰苟無適衛吾出子乃盟而出之遂適衛子貢曰盟可負乎孔子曰要盟非義也衛侯

聞孔子來郊迎問伐蒲孔子曰可哉衛侯卒不果伐蒲衛邑今大名府長垣縣是衛侯不能

用史記靈公老怠晉趙氏家臣佛肸趙鞅以中牟史記于政不用孔子邑宰

趙簡子攻范中行伐中牟佛肸畔中牟畔召孔子史記索隱此趙氏中牟在河北非鄭中牟

孔子欲往亦不果將西適晉見趙鞅至河而反史記孔子

至于河聞竇鳴犢舜華之死也臨河而嘆曰美哉水洋洋乎余之不濟此命也夫乃還息于阨鄉作阨操以哀之琴操孔子作息阨操辭曰乾澤而漁蛟龍不遊覆巢毀卵鳳不翔留慘余心悲還原息阨竇鳴犢舜華皆賢大夫趙簡子未得志時須以為政及得志皆殺之復處于衛

仍主蘧伯玉

丙午二十有五年秋八月庚辰朔日有食之

丁未二十有六年吳子敗越于夫椒通典包山一名夫椒山即西洞庭山也在

今江南蘇州府吳縣西南太湖中

吳夫差敗越于夫椒報槁李也遂入越越子以甲楯

五千保于會稽注見前使大夫種文種字子禽先為楚宛令後仕越因

吳太宰嚭以行成吳子將許之伍員曰不可臣聞之
樹德莫如滋去疾莫如盡勾踐與我同壤而世為仇
讎于是乎克而弗取將又存之違天而長寇讎後雖
悔之不可食已

食消已止也

弗聽退而告人曰越十年生

聚十年教訓二十年之後吳其為沼乎越及吳平天

差既克越乃修怨于陳遂侵陳

國語勾踐棲于會稽召范蠡而問焉對曰

持盈者與天定傾者與人節事者與地勾踐曰與人
奈何對曰卑辭尊禮玩好女樂尊之以名如此不已
又身與之市勾踐乃令大夫種行成于吳來而復往
曰請委管籥屬國家以身隨之吳許諾乃令大夫種

守于國與范蠡入官于
吳三年而吳人遣之

戊申二十有七年衛侯元卒晉趙鞅帥師納衛世子蒯聵

于戚

初衛侯將立公子郢

字子南靈公庶子

郢辭及是衛侯卒夫

人命公子郢為太子曰君命也郢曰亡人之子輒在

乃立輒

是為出公

于是晉趙鞅納故太子蒯聵于戚宵迷

陽虎曰右河而南必至焉

水經注大河故瀆東北逕戚城西此定王後河徙道

也時晉軍自西來渡河不知戚
處陽虎欲逆河之右而南行

使蒯聵繞

始發夜八

郢之辭國蓋明知外蒯內輒勢不能安若復立于夫人之手亦必見制于彼而犯蒯聵之所爭耳非欲明退讓之節如吳季札比也

人哀經偽自衛逆者告于門哭而入遂居之

時晉荀寅士吉

射在朝歌齊人輸之粟鄭罕達送之與趙鞅遇于戚鞅以蒯賁與罕達戰于鐵鄭師敗績罕達字子姚

虎之孫鐵邱名在大名府開州北

蔡遷于州來

先是楚以柏舉之故圍蔡使疆于江汝

漢書地理志高陵山汝水

所出至新蔡入淮

高陵山即伏牛山在今河南府嵩縣新蔡今縣隸汝寧府此汝水故道自元時作壩

舞陽其流遂

之間而還

左傳注楚欲使蔡徙國于江北合于潁水之北汝水之南蔡權聽命

故楚蔡于是請遷于吳

楚既還蔡叛而就吳

至是吳洩庸

吳大夫

如蔡納聘而稍納師

蔡不即遷故因聘襲之

師畢入衆知之蔡

侯告大夫

殺公子駟以說

哭而遷墓遂遷于州來

後二年蔡侯將如吳

諸大夫恐其又遷公孫翩射而弑之文之錯殺翩立昭侯子朔是為成侯

已酉二十有八年殺大夫萇弘

劉氏

王室卿士

范氏

晉大夫

世為婚姻萇弘事劉文公

劉子卷

故與范氏

右士吉射

晉趙鞅以為討于是殺萇弘是冬趙

鞅圍朝歌荀寅犯師而出奔邯鄲明年趙鞅圍邯鄲

邯鄲降荀寅奔鮮虞齊國夏伐晉會鮮虞納荀寅于

柏人今直隸順德府唐縣有柏人故城又明年晉圍柏人荀寅士吉

射奔齊

庚戌二十有九年晉人執戎蠻子赤今河南汝州有蠻城亦曰鄆鄉春秋戎蠻

子歸于楚

楚人既克夷虎蠻夷叛楚者乃謀北方左司馬販申公壽

餘葉公諸梁皆楚大夫諸梁字子高沈尹戌子為一昔之期夜結期明日即

襲襲梁今汝州有梁縣故城及霍汝州有霍陽聚以霍陽山名單浮餘亦楚大夫

圍蠻氏蠻氏潰蠻子赤奔陰地河南山北自上雒以東至陸渾楚人

使謂晉陰地之命大夫

特命總監陰地之大夫

士蔑曰晉楚有

盟好惡同之若將不廢寡君之願也不然將通于少

習

山名在今陝西商州其下即武關

以聽命士蔑請諸趙鞅鞅許之

士蔑乃執蠻子與其五大夫以畀楚人楚誘其遺民

盡俘以歸

景王十九年楚誘我蠻子嘉穀之遂取蠻氏既而復立其子至是蠻氏遂亡

御批歷代通鑑輯覽卷七

欽定四庫全書

總校官進士臣程嘉謨

校對官編修臣高棅生

謄錄監生臣吳華平

欽定四庫全書薈要

史部

御批歷代通鑑輯覽卷八

詳校官原任編修臣徐立綱

欽定四庫全書薈要卷七千四百六十一

御批歷代通鑑輯覽卷八

周



十有一年楚子使使聘孔子

先是孔子在衛靈公問陳不對而行

史記靈公與孔子語見蜚雁仰

視之色不在孔子遂行

復如陳是年季孫斯卒遺言謂其子肥

即康

必召孔子

史記季桓子病輦而見魯城歎曰此國幾興以吾獲罪于孔子故不興也

顧謂康子曰我死若必其家臣公之止之肥乃召冉

相魯相魯必召孔子

魚

求魯人字孔子如蔡及葉朱子論語序說據史記云

孔子將往拜禮而陳蔡大夫發徒圍之故孔子絕糧

子陳蔡大夫安敢圍之且據論語絕糧當在去衛如陳之時楚子將以書社地七

百里封孔子史記索隱古者二十五家為里里各有

百里書社之令尹公子申即子不可史記子西曰文

人封孔子也西錡百里之君卒王天下今孔子得乃止孔子又反乎

據土壤賢弟子為佐非楚之福也

衛

周制公侯封域最大者四五百里楚地雖廣度其疆界亦止千有餘里耳且楚重且如沈尹成輩不過封以郡縣安有以七百里予人此事之必無者

秋七月楚子軫卒

吳伐陳楚子救之軍于城父卜戰不吉卜退又不吉

楚子曰然則死也乃命公子申為王不可

初楚平卒令尹子常

以太子弱又立子西子西曰王有過嗣不可亂也乃立太子至是又讓

則命公子結

即子期

亦不可則命公子啟

即子問

五辭而後許將戰楚子有

疾遂卒于城父公子啟曰君王舍其子而讓羣臣敢

忘君乎從君之命順也立君之子亦順也二順不可

失也與申結謀潛師閉途逆越女

越勾踐女

之子章立之

是為乃還左傳是歲也有雲如衆赤烏夾曰以飛三

手若崇之可移于令尹司馬楚子曰除腹心之疾而

置諸股肱何益遂弗崇初楚子有疾卜曰河為祟大

夫請祭諸郊楚子曰三代命祀祭不越望江漢睢漳

楚之望也不穀雖不德河非所獲罪也遂弗祭孔子

曰楚昭王知大道矣其不失國也宜哉由已率常可矣

崇音詠禳祭睢即沮水出鄖陽府房順景山至當

陽入漳餘注俱見前

冬十月齊陽生景公入于齊陳乞無字之子弑其君荼

初齊景公疾命國夏高張立其嬖子荼鬻如而寘羣

公子于荼注見前景公卒荼即位公子陽生奔魯公子鉏同

奔公子嘉駒黔奔
衛事在王三十年
陳乞偽事高國而譖之諸大夫遂

逐高國

國夏奔莒
高張奔魯

召公子陽生于魯立之

公羊傳陳
乞召陽生

真諸其家諸大夫至坐乞使力士舉巨囊至于中甯

諸大夫皆色然而駭開之則闐然公子陽生也乞曰

此君也已諸大夫不得已皆將盟鮑牧鮑國醉而往

乞誣之曰比子之命牧曰女忘君之為孺子牛而折

其齒乎

左傳注景公嘗銜繩為牛使
荼牽之荼頓地故折其齒

而背之也陽生

稽首曰若我可不必亡一大夫

謂鮑牧

若我不可不必

亡一公子

陽生謂

義則進否則退敢不惟子是從鮑牧

曰誰非君之子乃受盟使胡姬

景公妾

以安孺子

安號也

如賴

去鬻姒殺王甲

拘江說因王豹于句賓之邱

賴齊邑今山東濟南府章邱縣猶有賴亭

陽

生立

是為悼公

使朱毛

齊大夫

告于乞

曰君異于器不可以

二器二不匱君二多難敢布諸大夫乞不對而泣毛

反命請殺孺子乃遷之于駘

齊邑在山東青州府臨朐縣

未至殺

諸野幕之下

壯氏預曰弑荼者朱毛與陽生也而書陳乞所以明
乞立陽生而荼見弑則禍由乞始也楚比剗立陳乞
流涕子家憚老皆疑于免罪
故春秋明而書之以為弑主

中三十有三年春正月宋公入曹以曹伯陽歸

曹鄙人公孫彊好弋獲白雁獻之曹伯且言田弋之

說曹伯說之因訪政事大說之有寵使為司城以聽

政彊言霸說于曹伯乃背晉而奸宋宋人伐之晉人

不救遂滅曹執曹伯陽公孫彊以歸

曹自振鐸受封至伯陽凡二十

五傳而滅

三月吳伐魯

先是魯伐邾

茅成子請告于吳邾子曰魯擊析聞于邾吳二千里不三月不至何及于我

遂入之處其公宮衆師晝掠邾衆保于繹

即嶧山在今山東兗

州府邾縣東南以邾子益

邾隱公

歸獻于亳社因諸負瑕

即瑕邱城

注見前

邾大夫茅夷鴻

即茅成子

請救于吳吳以故伐魯使

公山不狃

時介在吳

率故道險

故由險道欲使魯備

從武城

此為南武城其

故城在今山東沂州府賈縣西南今東昌府有武城縣乃趙邑漢曰東武城非魯邑也

鄆人道

吳師

初武城人或因于吳境田焉拘鄆人之漚管者曰何故使吾水滋吳師至漚管者道之以入

遂克武城進次于泗上

泗水注見前

微虎

魯大夫

欲宵攻吳

舍

吳子所舍

私屬徒七百人三踊于幕庭卒三百人

終得三百

人

有若

魯人字子有

與焉及稷門之內吳子聞之一夕三

遷吳人行成盟而還

歸邾子邾子又無道吳因之後二年奔魯又奔齊

此淮通江之始

吳開邳溝不過

為伐齊計至今

遂首轉漕行水

之益事固有創

之者受無道之

名因之者收不

賈之患若此也

乙卯三十有四年秋吳城邳溝通江淮

吳溝邳江以通淮後因名邳溝今南

運河自揚州西北抵淮安三百七十里即古邳溝水水

經注謂之邳溟溝元和志謂之官河今曰漕河亦曰湖

漕以連甌社

汜光諸湖也

吳欲伐齊乃于邳江

水經注作韓江即中瀆水也首受江于江都

築城穿

溝通江淮之道

左傳注東北通射陽湖西北至末口入淮射陽湖在今江南淮安府阜寧

縣北與鹽城寶應分界末口在淮安府

山陽縣北舊曰北神堰後曰北閘今廢

辰三十有五年春魯侯會吳伐齊齊侯陽生卒

左傳注以疾赴故不

書

魯侯會吳子伐齊齊人弑悼公

史記鮑氏弑悼公索隱鮑牧子魯哀八年

已為悼公所殺蓋其宗黨

赴于師

悼公子王立是為簡公

吳子三日哭于軍

門徐承

吳大夫

帥舟師將自海入齊齊人敗之乃還是

冬楚公子結伐陳吳延州來季子救之謂公子結曰

二君不務德而力爭諸侯民何罪焉我請退以為子

名務德而安民遂歸

考左傳注季子為壽夢少子自壽夢卒至此七十七歲壽夢卒

時季子已能讓國年當十五六至此蓋九十餘孫
曰季子邑子州來世稱延州來季子或是札之子與
孫也今故從左
傳原文書字

丁巳三十有六年春齊國書國氏族伐魯夏五月魯侯會吳

子伐齊戰于艾陵春秋大事表艾陵齊地在今山東泰安府泰安縣博縣故城南齊師

敗績

齊國書高無平高氏族帥師伐魯及清今山東濟南府長清縣有古清

亭齊邑李孫謂其宰再求曰齊師在清必魯故也若之

何求曰禦諸境季孫曰不能求曰政在季氏當子之

身齊人伐魯而不能戰子之耻也大不列于諸侯矣

季孫使從于朝叔孫州仇呼而問戰求曰君子有遠

慮小人何知孟孫何忌強問之求曰小人慮材而言

量力而共者也州仇曰是謂我不成丈夫也退而蒐

乘孟孺子洩懿子之子
武伯翳帥右師洩為右冉求帥左

師管周父御樊須為右
須字子遲魯人季氏之甲七千冉求以武城

人三百為己徒卒次于雩門魯城
南門之外五日石師從

之魯師及齊師戰于郊檀弓史記
俱作郎齊師自稷曲郊地
名

魯左師不踰溝樊須請三刻而踰之衆從之入齊軍

獲甲首八十齊人不能師宵謀曰齊人遁冉求請從

之三季孫弗許

右師奔孟之側殿林不狃死公叔務人與其僮汪錡皆死皆殯孔子曰能

執干戈以衛社稷可無殤也

孟之側論語

冉求用

語疏字反孟氏族公叔務人昭公子公為

矛于齊師故能入其軍孔子曰義也為郊戰故魯侯

會吳子伐齊

吳中軍從吳子胥門巢將上軍王子姑曹將下軍展如將右軍齊國書將中軍

高無平將中軍宗樓將下軍

戰于艾陵吳展如敗高無平齊國書

敗胥門巢吳子以卒助之大敗齊師獲國書

及公孫夏問邱

明陳書
東郭書

革車八百乘甲首三千以獻于魯初吳將伐

齊越句踐率其衆以朝吳子及列士皆有饋賂吳人

皆喜惟伍員懼曰是豢吳也夫諫曰越在我腹心之

疾不如早從事焉得志于齊猶獲石田無所用之弗

聽使員于齊員屬其子于鮑氏為王孫氏反役吳子聞之

史記大宰詒與子胥有隙因讒之賜之屬鏤劍名以死將死曰樹吾墓

櫨櫨可材也吳其亡乎

史記子胥將死告其舍人曰必樹吾墓上以梓今可為器

而抉吾眼縣吳東門之上以觀越寇之入吳也吳王
聞之大怒乃取子胥尸盛以鵝夷革浮之江中吳人

憐之為立祠于
江上命曰胥山

孔子自衛反于魯

冉求既與齊戰有功季孫肥乃以幣迎孔子

史記季康子謂

冉有曰子于軍旅學之乎性之乎冉有曰學之于孔子康子曰我欲召之可乎對曰欲召之則無以小人固之康子遂公華公賓孔子歸魯年六十八矣史記孔子去魯公休以幣迎孔子魯終不能用孔子孔子亦不求仕乃叙書凡十四歲

傳禮記

史記追跡三代之禮序書傳上紀唐虞之際下至秦穆編次其事

刪詩正樂

史記古者詩三千餘篇及至孔子取可施于禮義上采契后稷中述殷周之盛至幽厲之缺始于衽席故

關雎為風始鹿鳴為小雅始次王為大雅始清廟為頌始三百五篇孔子皆絃歌之以求合韶武雅頌之

音序易

史記孔子晚而好易韋編三絕正義云夫子作十翼謂上象下彖上象下繫上繫下繫文

言序卦說卦雜卦也

弟子蓋三千焉身通六藝者七十有二人

戊午三十有七年春正月魯用田賦

孫復春秋尊王發微田者井田賦者財賦

魯自宣公始什二而稅至于哀公既什二賦而稅其田又什二而歛其財故曰用田賦

季孫欲以田賦使冉求訪諸孔子孔子不對私于冉

求曰先王制土藉田

謂稅也

以力

三十受田百畝二十受五十畝六十還田

而砥

謂平也

其遠邇

近郊十一遠郊二十而三

賦里

廛也商賈所居

以入

其計

利而量其有無園廩二十而一任力謂徭以夫以夫

數而議其老幼有復除于是有鰥寡孤疾此則不役有軍旅

之出則徵之雖不役者亦徵其賦無則已其歲收田一井出稷

禾六百四十斛為稷秉芻一百六十斗為秉缶米缶庾也十不是過

也先王以為足若子季孫欲其法也則有周公之籍

矣又何訪焉弗聽

夏魯侯會吳于橐臯今江南廬州府巢縣有柘臯鎮漢為橐臯縣春秋吳邑

初吳與魯會鄆吳欲魯百牢子服景伯對吳弗聽遂與之史記索隱百牢

牢具一百也周禮天子十二牢上公九牢侯
伯七牢子男五牢今吳徵百牢不識禮也 太宰嚭

召季孫季孫使端木賜衛人字子貢辭至是會于橐皋吳

子使太宰嚭請尋盟魯侯不欲使賜對曰盟以周信

若可尋也亦可寒也乃不尋盟吳徵會于衛衛侯會

吳于鄆在傳注發陽也海陵東南有發繇亭今江南通州如皋縣東有立發壩即發繇口也亦

曰古 吳藩衛侯之舍將止之賜以束錦見太宰嚭與

之語乃舍衛侯

紀三十有八年夏魯侯會晉侯及吳子

穀梁傳黃池之會吳遂子矣辭

尊稱而居于卑

于黃池

在今河南開封府封邱縣西南
裴駰史記集解黃池之會實

吳先軟晉亞之今先
叙晉者所以外吳

於越入吳

吳不稔于歲起師北征闕

集月切

深溝于商魯之間北

屬之沂西屬之濟以會晉于黃池

單平公及魯侯來會

于是越

子句踐襲吳入其郛獲太子友吳晉方爭長未成邊

遽傳也

乃至以越亂告吳子懼以公孫雄言

雄曰無會而歸

越聞章矣會而先晉晉將執諸
侯之柄以臨我必會而先之

乃昏戒令夜中而陳

係馬舌

恐有聲

出火竈

出火于竈外以自燭

鷄鳴乃定

軍各萬人為方陳中

軍皆白常白旗素甲白羽之矦望之知茶左軍皆赤
常赤旗丹甲朱羽之矦望之知火右軍皆元常元旗
黑甲烏羽之矦望之
如臺凡帶甲三萬去晉軍一里昧明鳴鐘鼓振鐸

三軍皆譁其聲動天地晉人大駭使董褐
晉大夫請事

吳子親對之曰天子有命周室卑約貢獻莫入無姬

姓之振也孤欲守先君之班爵
爵次當為盟主恐事之不集

以為諸侯笑孤之事君在今日不得事君亦在今日

董褐既致命告趙鞅曰觀吳王之色類有大憂小則

嬖妾嫡子死大則越入吳將毒
猶暴也言若猛獸被毒悖暴不可

與戰其許之先然不可徒許鞅乃使董褐復命曰諸

侯失禮于天子無所逃罪今君奄王東海以淫名

謂借

號

聞于天下君有短垣而自踰之夫命圭有命固曰

吳伯不曰吳王君若無卑天子而曰吳公晉敢不從
命吳子許諾就幕而會吳先歃晉亞之

許氏翰曰左氏曰先晉國語曰先吳比二國史籍之
異也自宋之盟晉已為楚所先陵遲于黃池之時豈
能復與吳爭國語信也晉人恥其先之故譁焉耳

吳子使駱來京師

吳子既長晉于黃池將還恐齊宋之害已使公孫駱
告勞于王曰昔楚不承供貢吾先君闔閭不忍其惡
與楚昭相逐于中原天舍其衷楚師敗績今齊不鑒
于楚又不恭王命夫差不忍其惡徑至艾陵天福于
吳齊師還鋒而退夫差豈敢自多其功是文武之德
所祐助敢告于天子執事王答曰伯父命女來明紹
享余一人余實嘉之伯父若能輔余一人則兼受永
福周室何憂焉乃賜吳子弓弩王阼

吳子還國亡太
子內空士皆罷

敵乃以厚幣與越平

冬十有一月有星孛于東方

公羊傳孛者何彗星也其言于東方何見于旦也

申庚三十有九年春魯狩獲麟

麟注見前

魯狩于大野

元和志大野澤一名鉅野今山東兗州府嘉祥縣有獲麟堆嘉祥本鉅野分置叔孫

氏之車子鉏商

車子微者鉏商名

獲麟

折其前左足

以為不祥棄之

郭外孔子觀之曰麟也胡為來哉反袂拭面涕泗沾襟曰吾道窮矣叔孫聞而取之端木賜問曰夫子何泣孔子曰麟之至為明王也出非其時而見害吾是以傷焉

是年孔子成春秋

史記孔子因魯史作春秋上自隱公下至哀公凡十二公

夏五月庚辰朔日有食之

宋向魋入于曹以叛

宋桓魋恃寵

初宋公嬖魋公子地扶之公閉門而與魋泣目盡腫于是公子地及公母弟辰

入于蕭以叛事在王二十一年

害于宋公

久益驕盈

宋公將討之未及魋

先謀宋公宋公知之告皇野

皇氏宋戴公之後字子仲為司馬

曰魋

將禍余請即救野以公命召左師巢

魋之兄

巢至告之

故對曰魋之不共宋之禍也敢不唯命是聽請瑞

符

節以命其徒攻桓氏魋欲入子車魋之弟止之魋遂入

于曹以叛使左師巢伐之巢亦入于曹曹叛桓氏魋

奔衛巢奔魯司馬牛名耕字子牛魋之弟致其邑與珪而適齊

魋出于衛而奔齊牛遂適吳吳人惡之反卒于魯郭

門之外阮氏魯人葬諸邱輿今費縣興城司馬牛墓在費縣成山

六月齊陳恒乞之子諡成子史記作田常弑其君壬簡公

齊侯之在魯悼公奔魯簡公從在王三十年闕止字子有寵陳乞私召悼公

闕止知之先侯諸外悼公使止反與簡公及即位使處悼公既立止從簡公歸在王三十二年

為政陳恒憚之諸御

僕御

鞅曰陳闕不可並也君其

擇焉弗聽有陳豹

陳氏族

者為闕止臣止與之言政說

謂曰我盡逐陳氏而立女何如對曰我遠于陳氏矣

且其違者不過數人何盡逐焉遂告陳氏陳逆

字子陳

氏故怨止

逆嘗殺人止執之
逃而匿于陳恒家

乃曰彼得君弗先必禍

逆遂舍于公宮陳恒兄弟並如公闕止在幄出逆之

遂入閉門止之侍人禦之陳逆殺侍人齊侯方與婦

人飲酒于檀臺

齊乘在
臨淄

陳恒遷諸寢齊侯執戈將擊

恒太史子餘止之恒欲出逆抽劍謂曰需事之賊也

乃止闔止歸屬徒攻闔與大門皆不勝乃出陳氏追

之殺諸郭闔

齊闔名

陳恒執齊侯于舒州

史記簡公出齊田氏之徒

追執之于徐州

公曰蚤如御執言不及此索隱徐音舒正義齊之西北界上地名

弑之孔子

三日齋而請伐齊三魯侯曰魯為齊弱久矣子之伐

之將若之何孔子曰陳恒弑其君民之不與者半以

魯之衆加齊之半可克也魯侯曰子告季孫孔子辭

退而告人曰吾以從大夫之後也故不敢不言

陳恒既弑

簡公乃立簡公之弟鶯是為平公恐諸侯共誅已乃
盡歸魯衛侵地西約晉韓魏趙氏南通吳楚之使齊
國之政皆歸于恒于是盡殺鮑晏及公族之强者而
割齊自安平以來至瑯琊自為封邑安平齊邑漢
置縣後省故城在今青州府臨淄縣瑯琊亦
齊邑漢置縣後省故城在今青州府諸城縣

辛酉

四十年熒惑

執法之星其行無常以其舍命國

守

居其宿曰守

心

蒼龍之宿為明堂

心宋之分野也

清類天文分野書氏二度至尾二度屬宋分徐州河南之歸德房星大火

次宋公憂之司星

占星之官

子韋曰可移于相公曰相吾

之股肱曰可移子民公曰君者待民曰可移于歲公

曰歲饑民困吾誰為君子韋曰天高聽卑君有君人

耳所見與周
史崇雲之說
不公據理折
平然正論天
理卑感召之
四然乃謂以

三言而遂從三
度則鑒矣

之言三熒惑宜有動于是候之果徙三度

士四十有一年春正月衛世子蒯聵自戚入子衛輒介

魯

衛孔圉取蒯聵之姊生慄圉卒豎渾良夫通于內使
之戚蒯聵謂曰苟使我獲國服冕乘軒三死無與良
夫為請于伯姬與蒯聵入舍于孔氏外圃昏二人蒙
衣而乘孔氏之老嫗寧問之稱姬妾以告遂入適伯
姬氏既食伯姬扶戈而先蒯聵從之迫孔慄于廁強

盟之遂刳以登臺樂寧聞亂使告仲由

為孔氏宰

仲由將

入遇高柴

字子羔齊人高氏別族

柴曰弗及

政不及己

不踐其難由

曰食焉不避其難柴遂出仲由入石乞孟賁以戈擊

之斷纓由曰君子死冠不免結纓而死孔子聞衛亂

曰柴也其來由也死矣孔悝立蒯聵召獲

衛大夫

奉輒

奔魯蒯聵既立

是為莊公使馮子

告于王王使單子

單公

命之辭明年衛侯

莊公

飲孔悝酒于平陽

今河南衛

輝府滑縣有韋城其南有平陽亭

醉而遣之悝載伯姬而行奔宋

夏四月己丑孔子卒

左傳注四月十八日乙丑無己丑已丑五月十二日日月必有誤

孔子蚤作負手曳杖逍遙于門歌曰泰山其頽乎梁木其壞乎哲人其萎乎既歌而入當戶而坐端木賜聞之曰夫子殆將病也遂趨而入孔子曰賜爾來何遲也夏后氏殯于東階之上殷人殯于兩楹之間周人殯于西階之上余殷人也疇昔之夜夢坐奠于兩楹之間夫明王不興天下其孰能宗予予殆將死也寢疾七日而沒年七十有三

魯哀公誄之曰昊天不弔不憇遺一老俾屏余

一人以在位覺覺余在疚
嗚呼哀哉尼父無自律

葬魯城北泗上

皇覺孔子冢去城一

里冢塋百畝南北廣十步東西十三步高一丈二尺
冢塋中樹以百數皆異種傳言孔子弟子異國人各
持其方樹來種之塋中不生荆棘及刺人草
今孔
林在曲阜縣北二里背泗面洙繞以周垣圍徑數里

弟子皆服心喪三年畢相訣而去哭各復盡哀或復

留唯賜廬于冢上

今孔林中有一室東向相傳為子貢廬墓處

凡六年然

復去弟子及魯人往從冢而家者百有餘室孔子生

鯉字伯魚

伯魚之生昭公賜孔子鯉因名焉

先孔子卒鯉生伋字子

思作中庸

朱子論語序說子思學于曾子孟子受業于子思之門人

居魯

繆公尊禮之

後居于衛

秋七月楚公孫勝亂沈諸梁討誅之

楚故太子建之子勝在吳

建以費無極讒奔宋又避華氏之亂于鄭鄭人善之

建與晉謀襲鄭鄭遂殺建其子勝奔吳事在景王二十三年

令尹申欲召之沈諸

梁曰吾聞勝好復言而求死士殆有私乎弗從召之

使處吳竟為白公

今河南光州息縣有白公城

再請伐鄭許之未

起師晉人伐鄭楚救之與之盟勝怒曰鄭人在此讐

不遠矣自厲劍司馬

期即子

之子平見之曰王孫何自

厲也勝曰勝以直聞不告女庸為直將以殺爾父平

以告令尹令尹曰勝如卵余翼而長之楚國第

用士次第

我死令尹司馬非勝而誰勝聞之曰令尹之狂也得

死乃非我

言若得自死我不復成人

令尹不悛吳人伐慎

邑名漢為縣後

省今江南潁州府潁上縣有慎縣故城

勝敗之請以戰備獻許之遂作

亂殺令尹司馬于朝而劫楚子

子西以袂掩面而死

其黨石乞

曰焚庫弒王不然不濟勝不許將立公子啟

即子啟問

不可遂殺之而以楚子如高府

楚別府

石乞尹門圍公

陽

楚大

穴宮負楚子以如昭夫人之宮

楚子母越女前所居宮

葉公沈諸梁聞亂以師至及北門或遇之曰君胡不

胄國人望君如望慈父母焉盜賊之矢若傷君是絕

民望也若之何不胄乃胄而進又遇一人焉曰君胡

胄國人望君如望歲焉日月以幾若見君面是得父

也而又掩面以絕民望不亦甚乎乃免胄而進帥國人

以及勝勝奔山而縊其徒微

匿也

之生拘石乞而問

焉對曰余知其死所而長者

謂白公

使余勿言曰不言

將烹乞曰事克則為卿不克則烹固其所也乃烹乞

諸梁兼二事

令尹司馬

國寧使寧

子西之子

為令尹寬

子期之子為

司馬而老于葉

癸亥四十有二年春三月越子伐吳敗之于笠澤

即禹貢震澤爾

雅謂之具區今日太湖跨江南蘇州常州及浙江湖州三府界

越子伐吳吳子禦之笠澤夾水而陳越子為左右句

卒

鉤伍相著別為左右屯

使夜或左或右鼓譟而進吳師分以

禦之越子以三軍潛涉當吳中軍而鼓之吳師大亂

踐報吳固為
心忍性然豈
非所種不食
即且其撫老幼
刑賞方振作
不暇又何能
為種耶且十
不收於國則
切憫恤之需
所取皆左氏
八誣內外傳直
等耳

遂敗之

國語勾踐之地南至于句無北至于禦兒東至于鄞西至于姑蔑命壯者無取老婦老者

無取壯妻女子十七不嫁其父母有罪丈夫二十不取其父母有罪將免者以告令醫守之生丈夫二壺酒一犬生女子二壺酒一豚生三人公與之母生二人公與之餼孤子寡婦貧病者納宦其子其達士潔其居美其服飽其食而摩厲之于義四方之士來者必廟禮之非其身之所種不食非夫人之所織不衣十年不收于國民居有三年之食國之父兄請報吳勾踐辭復請勾踐乃致其衆而誓之曰寡人不欲匹夫之勇欲其旅進旅退進則思賞退則思刑如此有常賞進不用命退則無耻如此有常刑果行國人皆勸父勉其子兄勉其弟婦勉其夫曰孰是君也而可無死乎是故敗吳于圍 句無韋昭曰諸暨有句無亭諸暨今縣屬紹興府禦兒今嘉興府石門縣東南有語兒鄉即古禦兒也鄞越邑漢為縣今為寧波府

治姑蔑今衛州府龍
游縣北之姑蔑城是

秋七月楚滅陳

楚白公勝之亂陳人恃其聚

積聚也

而侵楚楚既寧將

取陳麥卜之武城尹

子西子公孫朝也

吉使帥師取陳麥陳

人禦之敗遂圍陳滅之殺湣公

陳自胡公受封至湣公凡十九傳而滅時

陳恒得政于齊後遂建國

冬十月晉趙鞅伐衛衛人出其君蒯聵及晉平

衛侯背晉趙鞅召之辭以難鞅遂圍衛齊國觀之

國書之子

陳瓘

陳恒之兄

救之鞅還至是鞅復伐衛入其郭衛人逐

衛侯而與晉平晉立襄公之孫般師師退衛侯自鄆

入般師出初衛侯嘗翦

剗壞其邑聚

戎州

莊公登城望見戎州問之以告

公曰我姬姓何戎之有翦之戎州衛邑在楚邱

又欲逐石圃

衛卿石惡從子

而未

及于是石圃攻衛侯衛侯踰于北方戎州人攻之太殺

子疾公

入于已氏

戎人

已氏殺之

初已氏妻髮莢莊公髡之以為夫人

鬣至是入而示之璧曰活我與女衛人復立般師十

璧已氏曰殺女璧其馬往遂殺之

二月齊人伐衛立公子起

靈公

執般師以歸明年石

圃逐起起奔齊輒自齊復歸于衛

輒立十二年出亡在外四年復入

乙丑四十有四年王崩太子仁立

是為元王

元王

丙寅元年冬十有一月越圍吳

越子伐吳吳人出挑戰一日五反越子將許之范蠡

字少伯楚宛三戶人文種賢之入越為上將軍曰臣聞天道皇皇日月以為

常明者

日月盛滿時

以為法

法其明以為進取

微者

虧損薄食

則是行

則其微以隱遁

陽至而陰陰至而陽日困

窮也

而還月盈而

蠡陳策本謂
老所謂後陰
九陽近系遠則
以自奇持然不
口用其法而徒
不其跡焉足以

匡虧也 古之善用兵者因天地之常與之俱行後謂

動則用陰謂沈重先謂先則用陽謂輕疾近則用柔

示之遠則用剛抗威後無陰蔽後動者泰舒先無陽

察先動者泰顯用人無藝無常往從其所固敵為制

彼來從我固守勿與勿與宜為人客先動剛彊而力

疾陽節不盡輕而不可取陽數未盡雖輕宜為人主

安徐而重固陰節不盡柔而不可迫陰數未盡雖蚤

晏無失必順天道周旋無究無窮若今其來也剛彊

而力疾

言吳陽節未盡不可擊也

君姑待之越子乃弗與戰居軍

三年吳師自潰

明年晉趙無恤有父之喪降于喪食使楚隆如趙問吳難趙無恤即棄

子

晉荀瑶

即智伯謚襄子

伐鄭

初智宣子

荀躒之子甲

將以瑶為後智果

智氏之族

曰不如宵

宣子

也瑶之賢于人者五其不逮者一也美鬚長大

則賢射御足力則賢技藝畢給則賢巧文辯慧則賢

彊毅果敢則賢如是而甚不仁夫以其五賢陵人而以

不仁行之其誰能待之若果立瑶也智宗必滅弗聽

至是瑶伐鄭取九邑

智果別族于太史為輔氏後智氏亡惟輔果在

丁卯二年晉趙無恤滅代

呂祖謙大事記代國在蔚州今蔚州屬直隸宣化府有古代

城王

無恤趙鞅幼子初鞅將置後乃書訓誡之辭于二簡

以授長子伯魯及無恤曰謹識之三年問之伯魯不

能舉其辭求其簡已失之矣問無恤誦其辭甚習求

其簡出諸袖中鞅以無恤賢立以為後及鞅卒無恤

嗣既葬北登夏屋

山名在山西代州亦曰賈母山與句注山相接請代君使

厨人撰銅料

音斗其形方有柄取斟水器

以食代君及從者行斟

陰令宰人各以料擊殺代君及從官遂興兵平代地

代君夫人無恤姊也聞代君死曰以弟慢夫非仁也

以夫怨弟非義也泣而呼天摩笄自殺代人憐之名

其所死地為摩笄之山

山在今直隸易州廣昌縣

無恤遂以代封

伯魯子周為代成君

史記趙簡子嘗召諸子曰吾藏寶符于常山上先得者賞諸子

馳之山上無所得無恤還曰已得符矣簡子曰秦之無恤曰從常山上臨代代可取也簡子于是知無恤

果賢以為大
子後卒滅代

戊辰三年冬十有一月越滅吳吳子夫差自殺

越入吳國吳子率其賢良親近之士與其重祿大臣以上

姑蘇臺名在今江南蘇州府吳縣西南姑蘇山上吳地記闔廬造此亦曰姑胥使公孫雄

肉袒膝行請成于越曰昔者上天降禍于吳得罪于
會稽今君其圖不穀不穀請如會稽之和句踐弗忍
欲許之范蠡曰會稽之事天以越賜吳吳不取今天
以吳賜越越其可逆天乎且天與不取反受其咎伐

柯者其則不遠君忘會稽之厄乎句踐曰吾欲聽子
言不忍其使者范蠡乃鼓進兵曰王已屬政于執事
使者去不者且得罪使者泣而去句踐乃使人謂夫

差曰吾置王甬東

今浙江寧波府定海縣在海中其東有翁洲即春秋越甬東地

君

百家夫差謝曰吾老矣不能事君王遂自殺夫差將
死自蔽其面曰吾無面見子胥也越于是滅吳

吳自秦伯

傳仲雍至夫差凡二十五傳而滅

越子致貢命為伯

句踐既平吳乃以兵北渡淮與齊晉諸侯會于徐州

大事記徐音舒亦作徐今山東兗州府滕縣有薛縣故城戰國時曰徐州

致貢于王王

使人賜句踐胙命為伯句踐號令齊楚秦晉皆輔周

室秦不如命句踐選吳越將士西渡河攻秦會秦引

罪乃還軍渡淮而南以淮上地與楚又與魯泗東方

百里歸吳所侵地于宋越兵橫行于江淮東諸侯畢

賀號稱霸王

范蠡去越越子殺其大夫文種

蠡從句踐自會歸以大名之下難以久居為書辭于

句踐不復入越遂乘扁舟浮于五湖

韋昭曰胥湖蠡湖太湖

太湖而五實一湖也考五湖之說不一今以國語注為據胥湖即胥口在吳縣西南蠡湖今日蠡漬在無

錫縣東北洮湖亦名長塘湖在宜興縣西北洮湖在武進縣西南

變姓名適齊

為鴟夷子

皮之陶遺大夫種書曰蜚鳥盡良弓藏狡兔死走狗為朱公

烹越王為人長頸烏喙可與共患難不可與共安樂

子何不去種見書稱病不朝人或讒種且作亂句踐

乃賜種劍曰子教寡人七術寡人用其三而取吳其

四在子為我從先生試之種遂自殺

庚午五年閏月魯侯朝于越

魯侯如越得

相悅也

太子適郢

越太子名

將妻魯侯而多與

之地公孫有山使告于季孫季孫懼使因太宰嚭而

納賂焉

左傳嚭故吳臣考史記越滅吳誅太宰嚭與此典

乃止明年魯侯自越

反季孫肥孟孫彘逆于五梧

魯南鄙地在山東沂州府費縣

郭重僕

及宴孟孫為祝

上壽酒

惡郭重曰何肥也季孫曰請飲

彘何謂重也肥魯侯曰是食言多矣能無肥乎飲酒

不樂魯侯與大夫始有惡

辛未六年夏五月衛侯輒出奔宋

衛侯怒褚師比

即聲子衛侯與大夫飲酒于靈臺褚師比載而登公怒褚師辭公愈怒褚

師出公戰其手曰必斷而足

奪公孫彌牟

即南文子邑又奪司寇亥政

嬖夏戊之女

初太叔疾以夏戊為大夫疾出亡衛人翦夏氏以其帑與彌子瑕彌子納夏戊

之女以為夫人其弟期為司徒夫人寵哀期得罪嘗

使侍人投公文要

即懿子

之車于池復使優狻

俳優名狻盟

拳彌

衛大夫使俳優盟之以恥辱

而甚近信之故褚師比公孫彌

牟公文要司寇亥司徒期因拳彌以作亂拳彌先入

衆譟而攻公宮鄆子士衛大夫欲禦之彌援其手曰子

則勇矣將若君何衆怒難犯休而易間也遂出彌請

適城鉏即鉏城注見前以鉤越乃適城鉏彌曰衛盜不可知

也請速自我始乃載寶以歸衛侯不知彌與亂故為所詐衛侯為

支離陳名之卒因祝史揮揮為內間以侵衛公文要知之

與彌牟謀因揮在朝使吏先遣其室揮出弗納館諸

外里揮遂如衛侯所衛侯使之越請師明年越皋如

后庸

皆越大夫

宋樂莪

樂濶子

魯叔孫舒

武叔子

納衛侯

字路

彌牟致衆而問請納之衆曰勿納彌牟請亡衆曰勿

出于是重賂越人申開守陴

申重也開重門而嚴設守備

而納衛

侯衛侯不敢入師還衛人立莊公之庶弟公子黔

是為

悼公彌牟相之以城鉏與越出公遂卒于越

出公自城鉏使以弓

問子貢且曰吾其入乎子貢稽首受弓對曰臣不識

也私于使者曰昔成公孫子陳甯武子孫莊子為宛

濮之盟而君入獻公孫子齊子鮮子展為夷儀之盟

而君入今君再孫矣內不聞獻之親外不聞成之臣

賜不識所

由入也

壬申七年冬十月宋公頭曼卒

景公

宋公無子取公孫周

元公孫子高

之子得與啟畜諸公宮

未有立焉于是六卿

左右師大司馬司徒司城大司寇

三族

皇黨

降

和同也

聽政因大尹

近官有寵者

以達大尹常不告而以其

欲稱君命以令國人惡之宋公遊于空澤

即空桐澤在今河南

歸德州虞城縣

卒于連中

館名名勝志連勝館在空桐澤後俗呼連塚

大尹興空

澤之士千甲奉公自空桐

空桐澤之上

入如沃宮

宋都

內使召六子

即六卿

曰君請六子畫

計策也

至以甲刳之

曰君有疾病請二三子盟乃盟于少寢之庭曰無為
公室不利大尹立啟奉喪殯于大宮三日而後國人
知之司城樂蒧使宣言于國曰大尹蠱惑其君而專
其利今君無疾而死死又匿之是無他矣大尹之罪
也六子皆歸授甲使國人施于大尹大尹奉啟以奔
楚乃立得是為昭公呂祖謙大事記昭公嘗出亡謂其御曰吾被服而立侍御者數十人無不
曰吾君麗也吾發言動事朝臣數十人無不曰吾君聖也內外不見其過失是以亡也乃改操易行二年
而美聞于宋宋人迎而復之

王崩太子介立

是為貞定王

貞定王

癸酉元年夏晉荀瑤伐鄭齊陳恒救之晉師還

荀瑤帥師伐鄭鄭請救于齊齊陳恒救鄭師及濮

濮古

水首受大河自封邱逕濟陰至高平入濟今堙

荀瑤聞之乃還曰吾卜伐鄭

不卜敵齊使謂恒曰大夫陳之自出陳之不祀鄭之

罪也故寡君使瑤察陳衷焉謂大夫其恤陳乎若利本之顛瑤何有焉恒怒曰多陵人者皆不在智伯其

能久乎後四年荀瑶復圍鄭門于桔枋之門瑶謂趙
無恤入之對曰主在此瑶曰惡而無勇何以為子對
曰以能忍恥庶無害趙宗無恤由是基瑶

魯侯如越歸卒于有山氏

魯侯患三桓之侈三桓亦患魯侯之妄故君臣多間
魯侯欲以越伐魯而去三桓遂如公孫有陘氏

即有山氏

因孫于邾乃如越國人迎之復歸卒于有山氏子寧

立是為悼公悼公之時
三桓勝魯如小侯

戊寅六年晉河絕于扈

扈亭在今河南懷慶府原武縣水經注河水東北逕卷之扈亭北禹

貢錐指晉出公時河絕于扈即于是也

庚辰八年秦滅大荔

後漢書西羌傳洛州有大荔之戎注洛州即洛水大荔古戎國秦獲之改

曰臨晉同州城是也今陝西同州府治大荔縣此洛水乃沮洛由榆林逕延安同州諸府入河非禹貢之伊洛

時諸戎國大荔與義渠

史記索隱古西戎國括地志寧涇慶三州皆其地慶今慶

陽府寧今慶陽府寧州涇今平涼府涇州俱隸甘肅寧州有義渠故城

最強築城數十

皆自稱王秦伯

厲公

以兵伐大荔取其王城

今同州府朝邑

縣有王城蒙宇記
大荔戎王所居

遂滅之後秦又伐義渠執其王以

歸

在王二十五年

癸未十有一年晉侯

出公鑿

出奔齊

晉荀瑶與趙

襄于無恤

韓

原子虎不信之孫

魏

桓子駒曼多之孫

共分范

中行地以為己邑晉侯怒告于齊魯欲伐四卿四卿

恐反攻晉侯出奔齊道卒荀瑶立昭公之曾孫

驕為晉君

是為哀公

晉君之大父曰雍父曰忌忌善荀瑶

瑤欲并晉未敢故立之是時晉國之政皆決于瑤晉

君不得有所制瑤遂有范中行地

甲十有二年晉荀瑤襲衛不克還

荀瑤欲伐衛遺衛侯野馬四百白璧一羣臣皆賀公
孫彌平曰此小國之禮而大國致之君其圖之衛侯
告于邊境荀瑤果以師襲衛至境而反曰衛有賢人
先知吾謀也已荀瑤還自衛宴于藍臺戲韓虎而侮
段規

段鄭共叔段之後以
名為氏韓康子相

智國諫曰主不備難必至

矣瑤曰難將由我我不為難誰敢興之對曰君子能

勤小物故無大患主一宴而恥人之君相又弗備曰
不敢興難無乃不可乎弗聽

丙戌十有四年晉荀瑶以魏駒韓虎攻趙無恤無恤奔晉

陽
注見前

荀瑶請地于韓虎虎欲弗與段規曰智伯好利而懷
不與將伐我不如與之彼狃于得地必請于他人他
人不與必嚮之以兵然後我得免于患而待事之變
矣虎曰善乃與之荀瑶悅又求地于魏駒駒欲弗與

任章

任風姓之後以國為氏章魏桓子相

曰無故索地諸大夫必懼吾

與之地智伯必驕彼驕而輕敵此懼而相親以相親

之兵待輕敵之人智氏之命必不長矣不如與之駒

曰善亦與之瑤又求蔡皋狼之地

今山西汾州府永寧州有皋狼故城

考史記孟增幸于周成王是為宅皋狼集解徐廣曰皋狼地名索隱成王居孟增于皋狼故曰宅皋狼智

伯所求即此地蔡蓋宅音之訛

于趙無恤無恤弗與

襄子以伐鄭之辱甚智伯事見

前瑤怒帥韓魏之甲以攻趙氏無恤走晉陽初趙簡

子使尹鐸

尹國尹尹之別為晉陽請曰以為繭絲乎

謂浚民之膏如

繭絲保障千古不易正論然以

姑息為保障則
養奸廢事多矣

抽繭抑為保障乎

謂厚氏之生如築堡以自障

簡子曰保障哉尹

鐸損其戶數簡子謂無恤曰晉國有難而無以尹鐸

為少無以晉陽為遠必以晉陽為歸至是三家圍晉

陽荀瑤決晉水

在山西太原太原縣西南源出清澀泉今謂之晉渠分三派以溉民田

而灌之城不浸者三版沉竈產蠹民無叛意

戊子十有六年晉趙無恤及魏駒韓虎攻荀瑤滅之

荀瑤行水魏駒御韓虎驂乘瑤曰吾乃今知水之可

以亡人國也魏駒肘韓虎虎履駒之跗以汾水

注見前

可以灌安邑

注見前

絳水

源出山西絳州絳山逕曲沃縣入澮

可以灌平

陽

注見前

也

安邑魏氏都平陽韓氏都

趙無恤使張孟談

張晉公族解張字張

侯其後以字為氏世仕于晉

潛出見魏駒韓虎曰臣聞唇亡則齒

寒趙亡則韓魏為之次矣二子乃陰與約為之期日

而遣之無恤夜使人殺守隄吏而決水灌荀瑶軍

亂韓魏翼而擊之無恤將卒犯其前大敗之遂殺荀

瑶盡滅其族而分其地

趙襄子漆智伯之頭以為飲器智伯之臣豫讓欲為報仇

乃詐為刑人挾匕首入襄子宮中塗廁襄子如廁心動索之獲豫讓左右欲殺之襄子曰義士也吾謹避

之耳豫讓又漆身為癩吞炭為啞行乞于市其妻不識也其友識之為之泣曰以子之才臣事趙孟必得近幸子乃為所欲為顧不易邪何乃自苦如此豫讓曰既已委質為臣而又殺之是二心也吾所以為此者將以愧天下後世之為人臣懷二心者也頃之襄子出豫讓伏橋下襄子至橋馬驚襄子曰必豫讓也問之果豫讓襄子數其先事范中行氏而不為報仇豫讓曰范中行氏以衆人遇我故衆人報之智伯以國士待我故國士報之乃請襄子之衣拔劍三躍呼天擊之曰可以報智伯矣遂自殺

甲午二十有二年楚滅蔡

蔡侯齊出奔

蔡自叔度至齊
凡二十四世

丙申二十有四年楚滅杞
自東櫻公封杞至
簡公春凡十九世

庚子二十有八年王崩

貞定王崩長子去疾立

是為哀王

立三月弟叔襲殺之而

自立

是為思王

立五月少弟嵬又攻殺之而自立

是為考王此三

王皆貞定

王之子

封弟揭于河南

即東都漢于此置河南縣

初王子朝之亂餘黨皆在王城敬王畏之徙都成周

事見前

至是王

考王

以王城故地封其弟揭以續周公

之職

是為河南桓公

考王

辛丑元年

甲辰四年晉侯朝于韓魏趙氏

晉哀公卒子柳立

是為幽公

時晉獨有絳曲沃餘皆入韓

魏趙氏號三晉晉侯畏反朝焉

丙午六年夏六月朔日有食之

庚戌十年楚滅莒

初莒子庚與虐而好劍苟鑄劍必試諸人大夫烏存

因國人逐之莒子奔魯齊人納郊公事在敬王元年自是微不復見

後四世楚滅之

莒自茲與期受封二十三年傳而滅

乙十有五年王崩太子午立

是為威烈王

河南公封其少子于鞮

鞮故城行今河南府鞮縣西南

河南桓公卒子威公代威公卒子惠公代乃自封其

少子班于鞮以奉王號東周而河南遂號西周

大嘽記曰

自洛陽下都視王城則在西故曰西周自河南王城視下都則在東故曰東周

衛公子亶弑其君糾

先是衛敬公卒子糾立

是為昭公

時三晉彊衛如小侯屬

于趙至是公子亶弑昭公而自立

是為懷公

立十一年敬

公之孫頹弑之

頹亦自立是為愼公

威烈王

丙辰元年晉趙無恤卒

無恤為伯魯之不立有子五人不肯置後必欲傳位

于代成君

伯魯之子

代成君早卒立其子浣為趙氏後至

是無恤卒其弟

桓子

逐浣而自立一年卒趙氏之人

曰桓子立非襄主意乃共殺其子復迎浣而立之是為

獻子是年魏駒韓虎皆卒駒之子斯代是為文侯虎之子啟

章代是為武子

秦庶長

秦爵二十級十曰左庶長十一曰右庶長鼂弑其君懷公

鼂與大臣圍懷公懷公自殺懷公太子曰昭子早卒

大臣乃立昭子之子是為靈公

戊午三年晉韓啟章伐鄭殺鄭伯

啟章殺鄭幽公名己鄭人立幽公之弟駒是為繻公後韓

氏

景侯

復伐鄭

在王十七年

取雍邱

注見前

已而鄭伐韓氏

在王十九年

敗其兵于負黍

注見

己未四年秦作上下時

上時祭黃帝下時祭炎帝

辛酉六年盜殺晉侯柳

晉侯淫婦人夜竊出邑中盜殺之魏斯以兵誅亂者

立幽公之子止

是為烈公

癸亥八年越滅郄

注見前

少皞之祀莒及郟司之

莒郟皆嬴姓少皞之後

楚先滅莒越復

滅郟少皞遂不祀

甲子九年秦初以君主

猶公妻河

謂嫁之河伯

取他女為君主用諸河以求福命曰妻河時晉魏斯

以西門豹

西門以為地為氏

為鄴令

故鄴城在今河南彰德府臨漳縣

鄴苦河

伯娶婦豹乃與三老期當共送婦及期豹先投巫嫗

于河曰先報河伯已而投三老復欲投廷掾與豪長

者皆叩頭流血自是不敢復言河伯娶婦

大事記魏與秦鄴故

染其俗至
約始禁之

戊辰十有三年晉河岸崩

壅龍門至于底柱

此西河東圮也龍門底柱之間皆高山崇阜河雖壅不徒流

已十有四年晉魏斯始行平糴法

李悝

李氏阜陶之後悝魏臣

為魏斯作盡地力之教以為地方

百里除山澤居邑三分去一為田六百萬畝治田勤

謹則畝益三斗不勤則損亦如之地方百里之增減

輒為粟百八十萬石又曰糴甚貴傷民

謂士工商

甚賤傷

後世常平義
石所自始賑貧
歎固經國要
然有一利必
一弊非得其
以善理之民
由被實惠耶

農民傷則離散農傷則國貧善平糴者必謹觀歲有

上中下孰上孰其收自四餘四百石

平歲百畝收百五十石大孰收四

倍收六百石計民食終歲長四百石

中孰自三

四百五十石

餘三百石

終歲長三

百石下孰自倍

收三百石

餘百石

終歲長百石

小饑則收百石

平收

歲三分之二

中饑七十石

收三分之一

大饑三十石

五分之一

故上

孰則上糴三而舍一

糴三百石舍一百石

中孰則糴二

糴二百名

下

孰則糴一

糴五十石

使民適足賈平則止小饑則發小孰

之所歛中饑則發中孰之所歛大饑則發上孰之所

飲而糴之故雖遇饑饉水旱糴糶不貴而民不散斯

又以鄴令西門豹言引用漳水

清漳出山西平定州樂平縣沾嶺濁漳出

山西潞安府長子縣發鴈山二水分流至河南彰德府涉縣始合東北逕直隸界分二支一東行入衛一

東北行合滏陽滹沱諸水至天津入海

穿渠溉鄴田

今彰德府有西門渠豹所開後漢元

初中嘗詔修之河內之民利之魏以是益富彊

漢書溝洫志魏文侯魯孫

襄王時史起為鄴令引漳水溉鄴民歌之曰鄴有賢令今為史公決漳水今灌鄴旁終古烏鹵今生稻梁

與史記

不同

未十有六年命晉韓啟章趙浣伐齊

王命韓氏趙氏伐齊入其長城

括地志齊長城起濟州平陰縣緣河歷泰

山北岡經淄州東至密州瑯瑯臺入海

濟州今濟

寧州屬兗州府平陰今屬泰安府淄州今淄川縣屬

濟南府密州今諸城縣屬青州府瑯

瑯臺在諸城縣東長城故址今尚存

室亦如列國

壬十有七年魯

繆公顯

以公儀休為相

休魯博士以高第為魯相

休相魯奉法循理無所變更百官自正嘗之其家見

織帛怒而出其妻食于舍而茹蔡愠而拔其葵曰吾

已食祿又奪園夫紅女利乎

公儀休言固得體然亦近於好名者之所為拔葵猶可怒而出

秦初令吏帶劍

三代之制大夫士皆佩玉秦始令帶劍并令百姓亦

帶之

癸酉十有八年晉魏斯克中山

今直隸定州春秋鮮虞地戰國為中山國使其

子擊守之

魏斯使樂羊

宋樂氏之別

伐中山克之

史記趙獻侯十年中山武公初立索

隱系本云中山武公居顧桓公居靈壽後為趙武靈王所滅據此魏文侯所克乃武公地趙武靈所滅乃桓公地也本分自中山故皆以中山為號魏武以封侯之世中山及趙戰于房子蓋靈壽之中山也

樂羊啖羹與吳起殺妻相似而不同起求為將其妻何乎錢愈極矣若樂羊當兩軍相持之際不以私恩害公義於理尚正然啖羹而且盡一杯則太不近人情矣

其子擊斯問于其臣曰我何如主皆曰仁君任座曰

君得中山不以封弟而封子何為仁君斯怒任座趨

出問翟璜

翟璜以國為氏璜名也

對曰仁君斯曰何以知之對曰

君仁則臣直嚮者任座之言直臣是以知之斯說使

翟璜召任座親下堂迎之引為上客

樂羊攻中山其子在中山縣之

以示羊羊不顧中山嚮而為之羹羊啖之盡一盃中山知其忍下之魏文賞其功而疑其心

甲十有九年齊田和

陳敬仲改氏田左傳作陳史記作田田成子之孫白是為莊于莊子

之子和是

伐衛

為太公

田和相齊

宣公籍

伐衛取毋邱

史記年表作毋索隱毋音貫即貫城貫城注見

前後二年和之宗人田會叛和以廩丘

故城在今山東曹川府范

縣

屬于晉趙氏

晉魏斯受經于孔子之弟子卜商

卜以官為氏商字子夏衛人孔子既没子

夏居西河教授

魏斯受卜子夏經藝以為師又師事田子方

齊田氏之別

過段干木

段干姓木名

之廬必式

皇甫謐高士傳木晉人守道不仕魏文侯造其

門踰垣避之文侯待以客禮

四方賢士多歸之斯由此得譽于諸

賤驕人貴啟
士翼凌之習
時諸侯各以
士為重而士
得以窺其間
把持之頗蠲
前王前之對
同此術然求
應者皆不過
富國強兵機
變詐之徒耳
可與閭門延
同日而語哉

侯斯子擊出遭田子方于道下車伏謁子方不為禮
子擊怒謂子方曰富貴者驕人乎貧賤者驕人乎子方
曰亦貧賤者驕人耳富貴者安敢驕人國君而驕人
則失其國大夫而驕人則失其家士貧賤者言不用
行不合則納履而去耳安往而不得貧賤哉子擊乃
謝之

丙子二十有一年晉魏斯以魏成為相以吳起為將

魏斯謂李克曰先生有言家貧思良妻國亂思良將今

所置非成則璜二子何如對曰居視其所親富視其所與達視其所舉窮視其所不為貧視其所不取五者足以定之斯曰先生就舍吾之相定矣李克出翟

璜曰君召卜相果誰為之克曰魏成璜忿然曰西河

胡三

省曰班志魏地自高陵以東盡河東河內高陵漢屬馮翊其也在河西所謂西河之外者也今高陵縣

屬西之守謂吳起

臣所進也君以鄴為憂臣進西門豹

君欲伐中山臣進樂羊中山已拔無使守之臣進先生君之子無傅臣進屈侯鮒以耳目之所覩記臣何負

于魏成克曰成得卜子夏田子方段干木三人君皆

師之子所進五人君皆臣之子惡得與成比也璜再

拜曰鄙人失對願卒為弟子吳起

吳以國為氏

衛人仕于

魯

齊人伐魯魯欲以起為將起取齊女魯人疑之起殺妻以求將大破齊師或譖之曰起始事曾參母

死不奔喪曾參絕之今人殺妻以求將殘忍薄行人也起恐得罪遂去魯

聞魏斯賢往歸

之斯問李克克曰起貪而好色然用兵司馬穰苴

齊田

氏庶孽晏子薦之景公尊為大司馬有兵法書

弗能過也于是斯以為將擊

秦拔五城起為將卧不設席行不騎乘親裹贏糧與

士卒最下者同衣食分勞苦斯以其得士心使為西
河守以拒秦韓

御批歷代通鑑輯覽卷八



總校官進士臣程嘉謨

校對官編修臣吳舒帷

謄錄監生臣何清